

陽村集

卷三十四之四十一



W142

H3

帙あり

Kodak Color Control Patches

Blue Cyan Green Yellow Red Magenta White 3/Color Black



Kodak Gray Scale

C Y M

© Kodak, 2007 TM: Kodak

A 1 2 3 4 5 6 M 8 9 10 11 12 13 14 15 B 17 18 19



W142

H3



I 種


W



1200501867387



新羅始祖五年曆之府圖



新羅始祖五年曆之府圖

國家之興莫不有內助之美夏有塗山商有
有姜周有大妣所以正始而基化者其至美哉
關美為始祖之妃國人稱美之必其德有以服
人之心若然其至與始祖並稱為二聖則非

美二聖之稱見於唐高宗武后之時高宗溺於
武后之以為后武后以巧慧陰鸞干與大政
皆同聽斷時人謂之二聖羅代之初民俗淳朴

其林君高用方言未應遽稱二聖是必羅人事
唐高宗之後習聞二聖之稱未知其非慕效而
追稱之歟况唐制書稱聖德王為二明慶祚則
羅人入唐不敢稱二聖而以為二明其自稱於
國中則乃爾也

十七年庚王巡撫六部勸督農桑地閔英從焉

按省方人君之事也古之人君春省耕而補不
足秋省斂而助不給一遊一豫無非所以為民
也今始祖巡撫六部勸督農桑庶幾古者省方
補助之法矣若婦人則無外事教令不出於閭

門之內而妃從焉非禮也

四十年癸高句麗王納多物僕松讓女為妃

按昔魯文公嫁在三年之外春秋猶譏其喪未
畢而苗婚况在期年之內而納妃乎類利之罪
不待貶絕而自明矣

五十六年紀百濟立國母廟

按有國家者必立宗廟以祀其先禮也國母自
當配食於廟不宜別立廟而祀之也魯隱公別
為仲子立廟春秋譏之今百濟既立東明之廟
而為國母別立其廟何哉借曰禮無二嫡而類

利之母既配東明故溫祚不得不為其母別立廟而祀之則東明之廟在高句麗百濟以其高句麗為宗國不得別祀東明當如堯子之不祀祝融與鬻熊也若自別為宗以立東明之廟則不當配以他國之母而別祀其母也溫祚於此胥失之矣

五十七年曠高句麗郊豕逸王殺其臣託利斯畢按祭天於郊天子之禮也高句麗以曠爾下國僭行其禮天豈受之哉祭帝之牲養之必有其所掌之必有其人郊豕之逸至于再三天示不

受之意明矣夫天者理之所在而神不歆非祀麗王不知循理而無違率禮而不越小心翼畏威保民實所以事天也乃敢非義犯分僭天子之禮既以失矣又以一豕之故遂殺二人以是事天反所以欺天也其得疾病豈必二人之祟哉

儒理三十二年曠高句麗王東狩獲白獐

按高之後者為之子今閔中嗣無恤而三則當以文事無恤矣喪未數月而與群臣宴未及祥期而又狩獵其失自著矣

二十七年詳高句麗三射殺諫臣

按君臣一体相須以安富以礼而相接以恩而相愛者也麗王解憂兇狠無道常坐卧於人動搖則輒殺之罪惡弥天不可諫止矣其敢言者必是見危投命殺身成仁者也解憂徒惡其忤已而不知愛己之心出於至難也草薙而禽捕之黑炭孰甚焉自古非大無道之君未有殺諫臣者陳靈公之殺洩冶陳後主之殺傅縶唐僖公之殺常璠皆在三國垂亡之日春秋綱目直書其事以著其所以亡解憂亦未久而為內豎

社魯所弑且其世子不肖廢不得立然則將失天下與國家當以此卜之

三十三年訂王薨晉脫解即位

按自夏后氏以來有國家者必傳其子不唯憂後世爭之也亂也所以重宗祀也傳之異姓則謂之革命而祖廟不血食矣南解三欲傳位於脫解而儒理相讓先立從其亂命而卒傳之其不讓輕重甚矣若曰雖傳異姓祖廟尚存則神固不享非類矣其可謂之血食乎若以堯舜之禪讓為言則堯舜之禪讓以天下為公為天下

得人也南解之傳子晉以國家為私不分下晉
之輕重而欲傳之安敢籍以為言哉

昔晚解王二十年丁扶餘遣使高句麗獻三角鹿長
尾兔王以為瑞宥境內

按時和歲豐為上瑞苟不然則雖天降甘露地
出醴泉不足以為瑞也况物之反常者乎夫鹿
與兔澤居而奔穴居而伏陰類也今茲三其角
而長其尾陰道極而變其常是妖也非瑞也太
宗享國日夕以致遂成殺其二子之禍此豈其
兆也其後紫璋朱豹之獲亦何補於治道哉大

宗不以此恐懼修省以弭其災反以為瑞乃有
境內殊無意謂也

阿達羅王十二年高句麗王以谷失為國相

按君臣之分猶天壤然弒逆之賊無彼此一也
故春秋之法國君有為弒逆者所立而不能討
其賊則是與聞乎故而不免首惡之名矣今谷
夫弒遂成而立伯固伯固初適于野未嘗與聞
乎故然徒知三已之為有德而不思弒君之為
當討友寵任之以為國相是舉國君臣皆為弒
逆之儻三綱淪而人紀滅矣若使伯固能伸大

義不賞私勞以明弑逆之罪而諱之則三綱復
正人紀復立而亂賊損雖漢高帝之戮丁公叔
孫楚之逐堅片不足多矣惜伯固之不自也

李解王元平訂高白麗王逆優立于氏為妃

按配匹之際人倫之本三教之端也故婚姻之
禮正然後閨門正而邦國治教化行而風俗美
此周之二南所以為萬世法也今于氏以王嫡
妃王薨不感繼不發喪乃欲仍享壹歲夜奔其
弟莖歧謀立為後發歧以禮辭而遣之苟有人
心宜於此焉變笑尚不慚悔人奔廷優典俱入

官矯命生之逆優溺於利而忘其恥敢犯無禮
乃立為妃其行甚於犬彘天理泯矣人道滅矣
以是而居民上國之不亡幸矣

二十六年北南新縣人死歷月復活

按人之有死生白氣之有聚散也氣之聚散其
遲速之塵常則人之死生亦有不可以緊言者
笑人之方死其氣之在四体者雖散而在心腹
者尚有未盡散者則可復蘇而再生矣故古之
聖人制為禮法人之始死桑屋呼復歛殯之際
不遽掩閉至其葬則天子七月諸侯五月大夫

三月士庶人踰月不敢處室者欲其未盡散者
復蘇而更生也近世弊俗拘於禁忌氣未盡絕
遷遷于堂被俸以單或致寒涼甫及三日或空
于墻甚者委於烈焰而焚之是雖有未盡之氣
豈得而復活也武國家立法禁三日葬及火燒
之恠喪葬一依禮制然往者尚有不遵而斂以
單衣三日殯野者嗚呼習俗之難變也甚矣今
觀南新死人歷月復活則被單而殯三日而葬
不得復活者幾何人哉可勝痛哉

助賁王六年

丙

百濟王獵西海大島手射鹿四十

殺鬼狩之禮先王所以為民除害也然其好生
愛物之心亦所不忍故制為禮制使不敢過焉
易曰三用三驅失前禽禮曰天子不合圍諸侯
不掩群大夫不彘命士不覆巢豈不欲并包而
多取也以御則逐禽左者蓋不欲詭而多獲也
以射則天子殺下大綏諸侯殺下小綏亦不欲
多取而多殺也故成湯祝網開其三面其仁至
美清三以國君之尊曠廢庶政起風儻之險觸
銜楬之危暴殄天物多殺不忌誇示射御之眩
侈然自肆而不知其為非也其仁心亡矣吁人

不可無仁心也大夫士亦不敢多取而預養之
况人君乎傳曰馳騁曰獵令人心發狂可不戒
哉

高禮

王二年高句麗王藥盧殺其弟遠夫素勃

按兄弟之親異作同氣雖有小忿不廢懿親者
也象曰欲殺衆子為天子封之有厚以富貴之
故孟子曰仁人之於兄弟也不藏怒焉不宿怨
焉親愛之而已矣此天理人情之至也高句麗
王弟遠夫素勃詐稱疾往温湯是王懷疑忌之
心而薄友愛之心可知矣故內不自安而詐稱

疾雖其戲與無節出言悖逆不可謂無罪然以
介弟之親不得見容恐其剪除無所聊賴出怨
言自非有反亂潛逆不臣之狀也麗王乃偽孫
相誘而殺之其不仁甚矣且以骨肉至親尚見
結殺後雖以好爵縻之人孰不疑之哉吁三道
以仁親為本以信義為重麗王於此一舉而三
廢之非特善治豈可得哉

古

勿三十九年高句麗攻陷百濟水谷城

按文正一雖不共戴天苟不復讎殺首枕戈三
時而三焉者也百濟近有古王攻殺高句麗王

劉其子丘夫繼位四五年間惟以頌律令剗
辛為事未嘗奮發起兵以復君父之讎及是二
秋攻陷水谷蓋庶幾於復讎矣惜不能必復而
遽已也丘夫與一時巨子皆可謂無志者矣前
史乃稱丘夫為有雄略何哉

三十六年辰高句麗攻百濟敗之

按昔晉襄公墨衰即戎以敗秦師春秋譏之高
句麗王伊連蓋亦喻三月其子談德親率兵
百濟敗之其志哀而不忍也甚矣夫有門庭之
寇而宗廟社稷之存亡繫焉不得已而從金華

之事可也今百濟之兵未有加於麗境談德方
在衰經之中乃敢舍已之喪遽然興師以伐人
國是有入子哀痛之心者乎或曰麗與百濟世
讎也辰斯於伊連三十三年未侵南鄙明年又
伐取都坤城伊連乃能報三年而麗談德嗣立
不數月間能用兵致伐以雪其耻是為顯親非
不忠也曰敵惠敵怨不在後嗣丘夫不復於近
自古固可罪也談德與辰斯已在再世之後豈
可復報之乎初旣流麗辰斯初立伊連不恤遠
伐其喪惡矣辰斯隱忍不即報必待三年喪畢

然後未伐南鄙是直在濟而曲在麗故辰斯耳
勝而伊連不得報是亦服罪焉耳談德於此懲
忿室欲釋怨修好以彰先君悔過息爭之美則
其為顯親益以大矣不顧義理是非唯以報復
為事乱何由息哉

四十一年丁百濟王以世子映質于倭

按世子君之儲副其重係乎宗社不可以輕出
者也古者諸侯朝於天子有時而不可後故老
病者使世子攝已事以行急述職也諸侯相朝
本無時未有使世子攝行之礼故曹伯使世子

射姑未朝於魯君子譏之以為取范乱之本也
朝且不可况出質乎漢唐以降外夷君長或遣
世子入侍是以小事大以夷而慕華礼亦然矣
若百濟王以世子映出質于倭則是輕其國本
而棄之非類之地也苟能修德行政強於自治
和睦其民人慎固其封守遣使修聘以通隣好
倭人雖暴何畏焉乃不能然以千里畏人設
焉欲結其好出質世嫡度若小夷之事中國而
不恥焉衰微甚矣何以為國乎及其薨也二弟
相戕國遂危乱微解忠獻謀國人殺磔礼則映

之復國必不可得矣此可以為永世之戒矣
慈悲三三年王納舒弗耶末斯欣之女為妃

按大婚重禮也合二姓之好為宗廟社稷主是
不可以不謹也故禮不娶同姓雖至百世婚姻
不通所以附遠厚別以謹男女之際也慈悲三
王與妃同其祖矣以奉宗廟之祀神其享之乎
神不享則祚必不長矣傳曰男女同姓其生不
繁慈悲庄昭智昭智遂絕嗣可不誠哉

具平王九年瑛以伊養金石稷為兵部令

按史魚尸諫前史羨之今后稷之死也遺命葬
於遊畝之路非但王見之而感悟也且能托於
香氣若呼而警之也是其履君之心出於至誠
故雖骨化於重泉而其精神不昧鬱抱於冥
之中及見車疇之出乃感觸而宣泄之以有聲
也志士仁人豈以生死而貳其心乎或者以山
為怪誕而疑之夫人之精神與天地陰陽為流
通故古之志士死且未散而能現異如結草之
類多矣何獨疑於此哉

二十一年轉百濟王宣莖

按佛氏以因果罪福之說誑誘愚民以為崇信其法則報應不差生增福壽死亦蒙蓋此其所以久惑乎世者也百濟王宣見其父李明早死謂苟崇信佛可以得壽也即位之初下令禁民畜養鷹鷄又收民家網罟漁獵之具而焚之及其違戾親詣佛寺聽講其法又多度人為僧蓋欲以是得壽享福也然卒因效在位僅一年而死其所謂報應者果安在歟昔三代聖王享年之久者以修德爾非徼福也故唐韓愈謂佛法未入中國之前享年永久天下治平漢魏以降

事佛愈謹年代尤促佛不足信明矣誠確論也今宣之事佛勤矣故其死也謚為法王然生既不能使之增壽則死亦不能使之蒙蓋必矣後之惑佛者觀此亦可知其為妄矣

善德女主三年和唐使來錫女主命

按天道陽剛而陰柔人道男尊而女卑男正位乎外女正主乎內此天地之常經也人君無後當求宗室之賢以正儲副之位此古今之通義也新羅真平王無子奇愛女德曼而欲立之及其即位群臣又不能以大義擇立宗室之賢乃

探先君之耶志而立其女其乱常甚矣苟有明
天子在上當正其名遣使責讓擇立賢君可也
若以遐方難同中國則置之度外亦可也顧以
唐太宗之英明不能正名以定陰陽男女之分
而乃遣使錫命冊女子為樂浪郡公新羅王夫
公與王皆主國君民之祿盃加陰柔之身是則
尊卑之辨綱常之重太宗自毀而盡棄之矣亦
幾遂致武氏僭竊之禍濁乱天常唐之宗支夷
滅殆盡是其陰慘之毒實自太宗此舉而啓之
矣

大宋武烈王六年

庚申

唐兵虜百濟王義慈國亡

按隋伯受命為將董軍將發先殺其妻子其不
道甚矣雖有必死國難之心而無力戰克敵之
計是先喪其士氣而取敗之事也將苟得人則
以小擊衆以弱制剛者兵家之常也吳將朱瑜
能以五萬擊曹魏之六十萬晉將謝玄亦以五
萬破苻秦之八十萬百濟之兵豈下於三萬而
唐羅之衆豈過於六十萬哉然任瑜以誠者孫
權也舉玄不疑者謝安也是吳晉之君相有人
而任將得人也今百濟則主昏於上臣佞於下

賢者見逐而不肖者在位矣其能將得其人乎
階伯之狂悖殘忍如此是不戰而自屈者矣但
其獲官昌不殺而還之及其兵敗不降而死之有
古名將之遺風矣又按品日命子官昌獨入敵
陣亦非不知徒死而已敢為之不諱者新羅之法
戰死之人皆厚葬而爵賞之賚及一族國人稍
重而慕效以死為榮有古戰國之風矣然官昌
一入敵陣幸而生還留與衆兵俱進則雖出入
擊刺而欲殺身成名亦不必至於死矣乃使未
冠之童單騎耳往是欲其子之必死而忍之也不

可以訓後世矣

文武王四年百濟亡

按百濟始祖系出扶餘避地南來建國稱王子
孫相繼幾七百年不可謂貽謀之不善矣及至
季世窮奢極欲妄興功役任情敗度枉害忠良
又世仇隣國縱兵侵軼使境內之民殆無寧歲
且不能禮事中國以致勞師問罪被俘虜遂使
宗廟丘墟亦可以為永世之戒矣

二十年王薨

按葬者藏也臣子之於君父歿則必以禮葬之

者由其不忍之心也歟之以衣衾厚之以棺槨
凡付於身者必誠必信無使土親膚焉欲其不
速朽也大葬之法出於佛氏其說以焚炙禽獸
猶以為罪極言其報應之慘至於人死則必欲
焚之其視至親不若禽獸其逆理悖常甚矣後
世之人惑於其說而不察也至有以至親之屍
付之烈焰之中而焚燒之其為不仁至此極矣
今文武王遺命大葬一時臣子從其亂命而不
知其為非至於孝成宣德既燒其柩又散骨東
海邪說之惑人可勝痛哉

孝成王九年戊戌唐使臣邢璣以老子道德經等書獻
于王

按璣之來也帝稍為博儒宜演經義使知大國
儒教之盛而璣之所獻于王乃老子道德經也
帝以璣誇示儒教之盛又使善奕者副之何歟
晉崇老氏玄虛之道又以圍碁廢事而高致遂
使神州陸沉今玄宗復蹈其轍其能免天寶之
乱乎

興德

三年丁未唐遣使册上

按興德為諸副之時聘角千金忠恭之女為妃

是而章和夫人及即位踰月而卒群臣請再納
妃竟不從則其無他妃可知矣今唐所用朴氏
者蓋亦諱其同姓以朴氏告唐耳况章和之卒
在去年之十二月而唐之册命在今年之正月
雖曰再娶豈能及知之乎其為金氏尤明矣羅
之君臣知娶同姓為非礼而必諱之不能謹之
於始而犯之是不待與絕而自著矣

神武

王元年起金陽討明殺之立王孫祐徵
按礼重復讎春秋貴討賊故君父之讎不共戴
天篡弒之賊人子之所得討也且少陵長賤防

貴亦春秋之所深惡也衛州吁弒桓公石碯討
之春秋書曰衛人殺州吁于濮者許衛人之能
助石碯不君州吁而討之也鮮也齊小白與子
糾爭立書曰齊小白入于齊者明小白以長宜
有齊也由是觀之新羅興德王薨無嗣其堂弟
均真與姪悞隆爭位皆非嫡也則是均真以長
當立矣而侍中金明輔不正奉悞隆殺均真而
立之均真之子祐徵即與金陽奔清海鎮謀欲
復讎未嘗一日北面而臣於悞隆也及金明又
弒悞隆而自立金陽能與張保皋等討殺金明

而三祐徵是真得復讎討賊之義矣當加美詞
以為萬世臣子之勸也金富弼乃謂金明殺僖
康而即位祐徵殺閔哀而即位及與弼遊之儔
並列而并論之何哉金明初輔不正立以為君
又從而弑之其惡滔天必討之罪也若祐徵金
陽則初能輔正終能討賊不君恟隆况君金明
予以祐徵而殺金明是子復父之讎也以金陽
而殺金明是臣討君之賊也能討君父之賊以
明臣子之義既足嘉矣徇以復讎只戮渠魁使
民勿動庶幾王者吊伐之師金陽又以犬吠非

主怒壹伯之射已而不校實與齊桓釋管仲之
財鉤漢高赦李布之窘辱異世而同符者也羅
代君臣之事此最合於義者也

定康三元年打王疾病以妹為後

按乾坤皆有元亨利貞之德而坤之貞為牝馬
者以其体柔順而不足於強健也是故妻道無
成必配夫道然後乃成家道家道尚不可獨成
而况居人君之位乎婦人而妄于大位者古稱
漢雉唐墨皆牝晨逞惡謀覆宗國危而後安劉
李之不立幸矣定康王將薨藉善德真德古事

遺命之姝曼為君其臣俊興不學無術殊不知
二主之立皆理亂常不足取法而反効尤勉從
亂命以致恣行滔穢群盜並起國隨以亡可謂
君不君而臣不臣矣嗚呼惜哉

陽村先生文集卷之三十四

陽村先生文集卷之三十五

東賢事略

許中贊諱珙

公孔岩人也祖京札賓少卿知製誥父遂樞密院副
使翰林學士致仕忠憲王戊午張文漢榜丙科第二
人忠敬王壬申忠烈王丙子戊子三次典試忠烈王
庚寅王在上國公為冢宰留守時哈丹賊至衆議欲
入江都避之公固執不聽未幾帝聞擅移國都勅王
遣使探問若果遷者其執首謀者以來國人至是皆
服明年辛卯上國遣兵追討哈丹公亦舉兵應之積

日不下馬因得疾累月不卧至八月疾篤卒謚文敬
公天性恭儉自幼盥洗不費水雖至達官食不過一
罌布被蒲薦淡然自愛雖燕居不倚坐常如對客公
之少也嘗日夜彈琴隣有虞女踰墻而奔公不敢近
喻以禮義其女慚悔而返

金中黃諱方慶

公字本然安東人祖敏成直史館父孝印兵部尚書
翰林學士贈中書令新羅王金湊十五世孫也初仕
為式目錄事侍中崔宗峻愛其忠嘗委以重務歷任
中外蔚有成績時忠敬王在江都擁臣林行擅廢立

忠烈以世子在上國公為西北面兵馬使馳赴世子
所世子請兵欲討行罪帝遣蒙哥為將兵討之世子
使公為導未至國聞王復位而還初公意天兵若渡
大同江王國必震恐生變奏奉聖旨令元西京為聲
援毋得渡江至是北鄙叛民有乘亂吞國之志誣王
國謀殲天兵叛入濟州不如聲言出獵過大同江掩
襲王京子女玉帛可盡得也蒙哥為將從之公以違
詔渡江不可力言乃止及王奉詔復遷松都行之倘
三列叛入海據瑠島又入濟州公帥舟師皆討平
之拜大師門下侍中至元甲戌奉帝命東征日本擊

對馬等三島忠烈王即位改僉議中贊猷俘于帝廷
帶金虎符東人帶金符自公始丁丑韋盧二人誣公
與韓希愈等謀不軌朝廷遣使鞠問公嘆曰吾自少
竭忠奉國蒙恩極品豈以誣服貽患於國乎終不伏
詔書徵公與韋盧二人同赴京以辨盧在道舌爛暴
死韋進訴中書省旬餘亦舌爛死人以爲天誅公得
釋還國庚辰詔授中奉大夫管高麗軍都元帥仍令
再征日本辛巳六月進攻一政及朴加大志賀茅島
左南軍失期不及留待其至八月大風戰艦漂溺過
半不復戰公令諸舡棄甲馬水載敗舡之卒千餘人

而還乙酉封上洛郡開國公明年丙戌卒年八十九
蕭然坐逝謚忠烈公天性忠直信厚嚴毅寡言檢身
勤儉晝不暫卧盥濯不過一盂水故口不遺有喪必
往吊之

權贊成諱旦字晦之

公安東人自魏夢庵遠祖太師金幸佐高麗太祖有
功賜姓權祖守平尚書左僕射文蔚翰林學士忠憲
王甲寅尹正衡榜登科忠烈王甲申同知貢舉取推
漢功臣元祥崔誠之蔡洪哲白頤正皆爲宰相公性
至清崇善好施嘗有道世之志父躋強留之不得已

純職自是揚歷中外皆以廉謹精明稱其留守雞林也曰有一庫名甲坊賦民綾羅紵之充貢獻贏餘甚多皆為留守所私公撤甲坊以其綾羅文三年夏更不賦於民歲丁亥拜承旨明年為密直學士乞退甚薦又明年以知都僉議事致仕平生自奉極儉約既貴且老益自謙早晚歲遺棄世界逍遙物外子永嘉君溥孫吉昌君準等皆已貴顯而公晦山林若寒士然子孫以時進新衣則必解旧所服以與貧乏篋中常無餘衣年八十四卒謚文清公

洪中黃諱子藩

公字雲之南陽人祖斯徹樞密使翰林學士父齊同知樞密院事翰林學士致仕忠烈王庚寅拜僉議中贊時哈丹陷入國境諱言背動公乃脩城固備人賴以安及忠烈復位而忠宣入上國吳初石天補得幸用事交構兩宮國人患之公率百官詣宮門執二人飯于京師帝下制令王事無大小皆聽于藩由是二王慈孝如初又奉帝命與侍中崔有倫等從王入覲初忠烈請入朝忠宣恐王惟紹等從之敢為廢適之謀諷丞相使公等從王以未故丞相奏而召之公至京師見丞相陳惟紹等惡逐狀且欲奉二王還國

丞相是之未及還以病卒於京師年七十五相為之
賜傳車飯葬謚忠正公先喪母事父孝雖迫於公務
不廢定省自幼好潔每更衣必盥手或一日再浴每
夜必具官服拜星

權政丞諱濟

公字齊萬古諱永字耆卿自号菊齋文清公諱胆之
子忠烈王己卯公年十八趙簡榜登科大德辛丑知
貢舉相忠宣王拜政丞判選部爵封永嘉府院君後
進領都僉議又嘗為征東行省員外郎中王府書事
官未嘗一補外寄一見彈劾温乎春風湛乎晴空敬

以事君誠以事親睦於寮友惠於族姻目不暇給
口不商財賄子姪既壯待之如賓與舊有爵過之如
尊嗜讀書老不輟將朱子四書纂疏白利行東方
性理之學由公始倡注銀臺集二十卷觀者服其該
博子若膺一家九封君文清年高無恙而公知貢舉
及公以冢宰懸車而公子吉昌君引門生稱壽公之
二門生門生之三門生相繼掌試皆古所未有也至正
丙戌年八十有五卒謚文正

趙判門下諱仁規

公字去塵平壤人文瑩金吾衛別將贈樞密院副使

公自幼穎悟有大志時以西山子弟通敏者令習華
言公與是選學冠儕輩忠烈王以世子入朝公從之
扈從四年多所輔益及襲位東還游歷華要位至冢
宰又受皇朝三珠虎符大德戊戌被誣徵赴朝廷確
持大義終始不變因留都下七八年帝嘉其忠已
奉詔還國復戢視事至大戊申四月始發腫公曰吾
平生執掌四方略無煖席位居極品年俯七旬死生
有命當順受其正遂不餌藥乃卒謚真肅公為人美
風儀寡言笑雖出右戢博敏傳記平時接物溫然至
於臨事毅然人無敢犯奉使奔命凡三十行屢立勲

烈初王人有與我國蓄憾欲改土風懇干帝事臣側
公以單騎入覲敷奏明辨俾仍舊貫又使西北二御
復飯于我皆公專對之功也

蔡贊成諱洪哲

公字無悶平康人号中庵居士曾祖某贈尚書令祖
某少府監贈平章事父某即將贈金議改丞忠烈王
甲申趙宣烈榜登第以祗僕出宰長興有惠政棄官
閑居九十四年常以琴書劑和為日用淡然無求於
世忠宣王素知其賢一起入遷五年作相迄祐甲寅
使正經界公專其任迺相四方三壞之宜定其賦稅

公私以便忠肅王丙子知貢舉忠惠王庚辰年七十
九卒公於文章技藝醫藥音律皆極其精而尤深於
釋教嘗於第北置別院養僧施藥時呼活人堂又於
第南作堂号中和時邀國老為耆英會製新詞新詞世稱
紫霞侷以被管絃至今傳于樂部

金政丞諱台鉉

公字不器光州人号快軒遠祖司空諱吉佐高麗太
祖有功曾祖偉三司使祖鏡亮大將軍父須益察御
史三別執乱御史守靈光死節公於忠烈王丙子卒
益那榜登科大德己亥掌成均試美知貢舉四世

元老位至政丞致仕嘗集國初以來文章目曰海東
文鑑行于世至順庚午年七十卒謚文正公風儀端
麗眉目如畫幼學之日與侪輩受業於先進之門先
進奇愛之待遇異於他人屢列入內餉之其家有女
新寡稍解詩忽一日窓隙間以詩投之曰馬上誰家
白面生通來三月不知名如今始識金台鉉細眼長
眉暗入情公自此絕不復往仕於中外慶事繁劇裁
決精敏人服其明嘗奉使上國時帝幸甘肅勅天下
進貢使皆達京師而止公獨曰止於京師帝命也達
於行在吾君命也吾寧獲罪於帝不敢發吾君命獨

往吊於帝所帝嘉其誠大加賞賚

崔贊成諱誠之

公字純夫全州人号松坡五代祖礼部郎中均死節
西賊其子胤淳相高王位平章四宰相闡謚文定生
奉御允侲奉御生翰林學士佑生贊成事毗一即
公文也公於忠烈王甲申登科從忠宣王入朝大德
末定內難擁立武宗皇帝公常在王左右贊襄之及
王被誣有吐蕃之行公與子文度間難馳赴俱追至
關西僧圓明叛阻兵不得前事定踰龍抵臨洮留半
年乃還會本國人公黨相訟朝廷議立首比內地公

與故宰相金廷美李齊賢等獻書陳訴其議遂寢倦
府寮佐又疏國家得失將言之省堂公獨不肯著最
後主謀者同坐府中令吏請署公厉声曰吾等備位
宰相僉錄欲相脅耶衆沮喪忠肅王美丑同知貢舉
恭定甲子上書求退封光陽君至順庚午年六十五
卒謚文簡公性剛直不妄語字畫楷正尤家陰陽推
步之法

鄭贊成諱楷

公字晦之古諱玄繼清州人大將軍顛之孫監察御
史贈左僕射僊之子忠敬王辛未年十八中司馬試

明年登第忠烈王戊寅丁亥皆從王朝京師壬辰以
右承旨掌司馬試大德戊戌秋以知密直賀聖節乙
巳拜贊成事知貢舉六月卒年五十二遺命諱官葬
謚章簡公美風儀驥驎如畫性溫良和雅臨事剛正
不撓自始入參至拜喉舌久典詮選升黜無私皆既
衆允及為宰相時方多事凡所計畫裨益居多

閔判愈諱績

公字龍庭驪興人号默軒太師文景公令謨五世孫
衛尉卿暉之子也忠敬王丙寅洪璿下第一人及第
忠宣王甲午同知貢舉歷事忠敬忠烈忠宣忠肅四

代官至判都僉議初忠宣王以世子入朝公從之元
世祖嘉其應對称旨遂授翰林直學士朝烈大夫奉
定丙寅年七十九卒謚文仁嘗脩本朝編年綱目

閔贊成諱祥正

公驪興人也文仁公漬之子大德辛丑盧承瑄榜登
科明年壬寅又中殿試歷宰碩州寶城江華出按西
海楊廣所至有声績其為楊廣也聞有以貨賄輸權
勢者驛遞過境即使吏搜取牒送國贖由是豪強屏
氣無敢犯令忠肅壬申黨獄大起命公等四人理
之有訴冤屈於上國者遣使覆問餘皆以受賕枉法

論輸憲司公獨不染於辟特命長監察以榮之累遷
至贊成事位亞冢宰總裁銓選城復官取以復古制
至正壬辰年七十二卒公稟性剛烈不能容人之過
雖在骨肉不以假貸焉

王密直諱伯

公古諱汝舟本金氏新羅太宗王五世孫周九公訖
居北濱京今之江陵六世諱又佐高麗太祖有切官
內史令太祖納其女為妃賜姓王江陵之王自此始
由內史至公又十二世九貞丙申中司馬試大德辛
丑擢弟忠肅三戊寅拜左司議大夫時詔使入國誣

王以不迎詔鞠兩府甚急兩府承之公與右司議趙
廉上疏言君臣一体禍福共之且臣為君隱猶子為
父今兩府且私躬命遺君父罪請論如法辟甚剴切
王覽其疏義之即同廉拜密直繇司議入樞府前此
所無有也至正辛巳乞骸骨飯老全州之太山自号
慎齋庚寅卒年七十四無子

崔待制諱灑

灑字彥明文一字壽翁号拙齋雞林人考諱伯倫忠
烈壬午李尊庇下第一人及第累遷民部議郎奎
幼穎悟九歲能詩忠烈王美卯朴理榜登科以藝文

檢閱貶長沙監務後中皇朝辛酉制科調蓋州判官
東遷累遷典校典儀二副令帶藝文應教不惑異端
不溺習俗為文辭務合於古人至論同異苟知其正
雖老師宿儒為時所宗者且詰且折確持不變又不
善伺佞放蕩敢言面折不能容人之過異己者益不
喜而益排之故輒舉輒斥卒不大用乃為檢校成均
大司成然不以仕已為喜愠不理家人生產詩酒自
娛嘗選本國名賢所著目曰東人之文凡二十五卷
晚居城南獅子山下遂稱猊山農隱後至元庚辰不
祿年五十四

禹恭酒倬

丹山人祖戶長仲父進士天珪倬登科初調寧海司
錄郡有妖神祠名八鈴民惑靈怪奉祀甚瀆倬至即
碎而沉于海涵祀遂絕累陞監察糾正于時忠宣王
微有內失倬白衣持斧荷蓑席詣闕上疏敢諫近臣
難於讀疏倬厉声曰卿為近臣未能格非匡救逢惡
至此知知鄉罪邪左右震慄上有慙色優容改行一
國善之後退老于福州之礼安忠肅王嘉其忠義再
召不起倬通經史尤深於易學卜筮無不中程倬初
來東方無能知者倬乃閉門月餘參究乃知教授生

徒義理之學始行矣官至成均祭酒致仕至正丁亥
考終年八十一

趙密直諱廉

公字魯直号中齋淳昌人曾祖仁平大將軍祖先肅
贈門下平章父文琰大將軍致仕忠肅王乙卯朴仁
幹榜登科天曆戊辰中皇朝制科勅授瀋陽等路總
管知府事後至元戊寅累遷為左司議大夫詔使至
國鞠兩府誣王不迎詔兩府皆承公與右司議王伯
上疏劾之同拜密直副使語在伯傳忠惠王美未卒
年五十四嘗與中朝士大夫講明經史無不通

金右使諱光載

公字子輿号松堂快軒文正公台鉉之仲子也忠肅
王美丑安震榜登科至順庚午從忠惠王朝京師後
至元己卯曹頤構亂伏誅忠惠王徵赴京師公從之
明年王復位東還以勞累遷判典校寺事又明年秋
掌成均試王狎群小憚公規正乃褫其職群小益張
美未冬遂有岳陽之行甲申忠穆王立起為代言遷
至密直副使提調詮選己丑忠定王立以公為師拜
僉議評理俄改右使白王罷政房以文武二選飯吏
兵曹辛卯冬恭愍王立公杜門不出奉養大夫夫人至

孝及母喪廬墳三年過琴祥猶涕泣王嘉歎命倣司
旌表所居里門辛丑冬避紅賊至高昌因居之羌
春感微疾一日謂夫人曰吾今七十死復何恨男子
不絕於婦人之手禮也可與衆婢退笑且戒無高声
語以擾我也俄然而絕

韓政丞諱宗愈

公字師古漢陽人自号復齋曾祖元諱贈叅知政事
祖彥贈同知密直文英密直致仕忠烈王甲辰年十
八擢第丙科弟二人迺祐初從忠肅王如京至治中
群不送誣王以事徵在京師瀆王與之相持國人頗

盛公獨慨然欲為忠肅訟理迺與儒士之賢者文烈
公李兆年等十六人連名為書文烈躬至上京獻之
丞相忠肅多飯切公擢為代言泰定末公為知中事
忠肅而用事者所誤密以禪位表示公且曰吾欲以
此與瀆王趣行印公曰國家傳之祖宗豈宜廢嫡以
與旁支乎固諫不得命既退托以墜馬不起謀諸大
臣執用事者片之事竟不行曹頤之亂公與政丞金
公倫理其倘獄成驛聞丞相伯顏不省顧奏徵忠惠
赴都公等實從之至則俱繫獄事叵測會伯顏死得
解王復位錄其四拜評理俄改贊成事至正庚未冬

詔徵三有岳陽之行使者稱制起公為進奉事明年
正月有詔奉忠穆王飯國輔政拜左政丞自承奉即
九轉至三重大匡常典銓選忠定立權倖用事公飯
卧其鄉非有事故終歲不肯至京城玄陵立每加優
礼復欲相之甲午六月有疾謂子若婿曰吾由布衣
荷國恩位極品死復何恨初八日當與若等別至期
果卒年六十八謚文節公性寬厚且重處事接物皆
有餘裕其未達也與一時名士相往還群飲無虛日
踴揚花徒公每醉舞歌揚花詞侍如誨清風飛揚到
黃閣中識者皆異之

金政丞諱倫

公字無已号竹軒又号贛村彥陽人曾祖門下侍郎
平章謚威烈公乾斫祖大傳平章事謚翊戴公佺考
僉議參理謚文慎公賁母許氏中贊文敬公珙之一
共忠烈王庚寅公年十四時哈丹寇我疆國人入江
都避之文敬為冢宰留守旧都以殿國人之後命公
挈家以先公指畫如成人歷任中外處事剛明嘗從
忠烈入朝忠宣日候于邸二王皆嘉其志至治中忠
甫被誣徵留京師五年瀋王得幸於天子誘脅國人
使上言願得瀋王為主公獨不肯署名或私於公曰

右後悔何公罵曰臣無二心賊耳河悔之有至元之季忠肅薨曹頤構亂謀廢忠惠不勝伏誅公與韓文節公宗愈治其倘獄成驛聞丞相伯顏右頤倘顧奏徵忠惠公等從之至則令五府官雜問頤倘多利口公折以片言五府官皆改容目之會伯顏死王得解東飯累遷至左政丞至正戊子得疾十日不飲水漿令左右扶起具衣冠端坐而逝年七十二謚貞烈公喜觀書多識典故有問響應仁於宗姻信於故旧見其妻必置酒極歡聞其病必市藥相視

崔參理諱文度

公字義民号春軒贊成事文簡公誠之、子也文簡遇知忠宣典機密專選舉二十餘年声勢藉甚而公宿衛中朝習蒙古字語綺襦紈袴之與處辜講義帽之與遊而未嘗富驕顧能出手弓鈞入目簡編濂溪二程晦庵之書皆彙而觀之夜分而寢雞鳴而起及忠宣遜于西蕃公奉文簡奔問沈龍往返萬里惋容愉色不懈益虔至治中忠肅王入朝與潘府相持閱墻之禍譏口交騰公身從其居而志從其義真而能敬彼此無憾喪二親三年立家廟事止如存入密直升僉議一國之士喜於柄用天不假年

文關

公天性聰睿又好學問格物致知脩己治人之道乃得其門而入盡於已而信於人行於家而及於國溫然如春湛然如秋雖僕妾未嘗見其卒怒而遽喜也公之出身雖非儒科而於儒者之道可無憾矣

李領僉諱公遂

公字 号南村益州人祖國子典酒行儉嘗為刑部官有勢家認民為躬典酒不肯會疾作在告同寮即決之人有夢利劔自天降乱剖刑部官未幾皆暴病死獨典酒無恙又監察糾正崖至元庚辰公年三十有三政丞金永敦掌試擢狀元及第恭愍王乙未

知貢舉辛丑冬紅賊陷京乘輿播遷明年正月收復京師拜公贊成事以往鎮之時京城新剝于兵廢草創公指授方略勞未安輯祀宗廟祭先聖关卯迎駕還京奸臣崔濡在上國殯緣推倖謀廢恭愍立德興君為王受命將行恭愍以公是竒皇后親眷使奉表如京公行詣太祖廟誓曰吾君不復位臣死不復來既至都皇后設盛饌謂曰公盡心孝吾母是吾親兄也敢不以親兄待之公陳姜嫄任姒及褒姒呂武美惡之跡且曰殷下即周之任姒也三韓之幸為大今王政慎掃賊為國樹勲當行賞典以激將帥之氣

奈何是私憾廢公義乎丙申之禍實我家盛滿自速
死耳非三罪也皇后怒猶未已令公奉德興東飯公
托疾請留未幾拜大常禮儀院使公辭不獲宗廟大
享再為大常卿循蹈禮則觀者敬之皇太子召公同
上廣寒殿太子問殿額仁智之義公對曰愛民之謂
仁辨物之謂智帝王用二字御四海萬世太平笑入
殿指金玉之柱曰老人曾見此柱否乎對曰帝王行
仁政所居雖朽木猶堅不然金玉不足恃也太子又
取琴彈之未成曲曰久不習忘之矣公即跪曰憂民
之心不至乎忘則琴上一二調忘之何害太子下山

具以公語奏之帝曰朕固知此老賢者也汝外家唯
此一人耳甲辰秋詔復王位械崔濡以送公於是乞
東還出齊化門謂從者曰天下之樂復有加於此者
乎至問山站無人粟積于野從者取以飼馬公曰粟
一束直綿布幾尺如其言書於兩端置粟積中公之
在都拜左政丞又進頌都僉議及還鷺城辛旽當國
忌公亦杜門不出是以未嘗一日坐廟堂行冢宰
事人皆恨之己巳六月封益山府院君丙午五月卒
年五十九謚文忠

定贊成詳軸

公字當之号謹齋與寧人今順興曾祖得財祖希諤
俱本郡戶長考碩及第不仕忠宣王丁未安奮榜登
第泰定甲子中皇朝制科勅授蓋州判官時忠肅王
被留輦轂四年笑公謂同志曰主憂臣辱主辱臣死
吾曹之學如此乃上書訟王之無他王嘉之蓋州守
遣人禮請王方駕用故不能去國之任至順庚午忠
憲王受命以公存撫江陵道至元庚辰同知真舉取
李公遂等時稱得士甲申春忠穆王之拜竊直副使
尋陞政堂明年加贊成事丁亥秋封興寧君戊子春
卒年六十七謚文真公處心公正持家勤儉父早世

事母至孝教誨二弟曰輔曰輯三子俱登科皆至達
官輔又中皇元乙酉科皆公教誨之力也自樂正至
監察大夫常帶三字一時表箋詞命多出其手其為
存撫也有文集名曰閑東瓦注行于世公寢疾呼其
子宗源囑之曰吾平生無可稱吾曰為士師凡民之
屈抑奴人者必理而良之此其可紀者也

鄭政堂諱思道

公幼名良弼延日人曾祖均之贈平章事祖潤諫部
議即知製誥考侑宗簿令忠肅王丙子安珪榜登第
忠惠王辛巳始為權知校勘凡十閱月四轉而為監

察糾正至正甲申忠穆王即位由糾正歷一歲五轉
而為承宣丙戌掌成均試又拜密直提學由拜代言
閏十二月而入兩府年才三十矣恭愍王丙申母歿
廬墓終制恭愍王謂公曰忠於所事孝又如此予甚
嘉之復入密直為簽書知司出鎮合浦又鎮東北面
為上元帥軍機民務兩得其宜其為合浦也鷲城辛
晦當國嫉宰相崔瑩剛直不附已欲抵于死遣其僞
李得霖往鞠之公固執不可鷲城怒白于上罷鎮公
以儒者再總戎于外号令明肅士卒畏服洪武己未
九月卒年六十二

洪侍中諱彥博

公字仲容南陽人号陽坡祖諱文系相忠烈王初推
臣林衍擅政江都而子惟義相繼嬗變公為中丞與
大將軍宋松礼除凶暴出遊松京國祚以寧歷事忠
宣封南陽君改諱奎謚匡定生三司使諱戎襲封謚
莊簡即公之考也公於至順庚午宋天鳳榜登第三
人恭愍王美已同知貢舉取李穡等甲午拜門下侍
中辛丑紅賊陷入衆議欲避之公獨以為先王基緒
不可隳也勸王自將與民效死俄而西兵告奔遂奉
宗社南遷福州分遣諸將發兵進攻明年正月收復

京城制勝方略多公指畫其年奉駕移蹕清州冬知
貢舉吳印乘輿將還京駐次興王寺凶盜夜發將犯
乘輿上區避誤殺內臣惟呼萬壽又遣其倘賊公于
其第人有告以越免公曰禍發蕭牆吾何適死賊分
也臨亂苟避吾所恥即貝冠服出見賊詬詆而死公
意謂上不免也年五十五謚文正公性剛明卓犖趣
尚異時確持正論力闢異端處事直而能斷接物嚴
而有威以天質之美輔以學問所見既高所守益力
嘗自言曰日來宵中如有主宰是其得力處也故能
於倉卒之際從容就義得正而斃公真所謂臨大節

而不可奪者也

陽村先生文集卷之三十五

陽村先生文集卷之三十六

碑銘類

有明朝鮮國桓王定陵神道碑銘并序

上即位之二羊春正月辛未命臣某若曰余以否德
荷天休命肇造邦家祖宗積德是賴謹已追謚四代
皆上王爵汝其銘我先烈考定陵碑昭示永世臣某
承命祗慄不敢以鄙拙辭嘗觀孟子之言曰五百年
必有王者興前朝自始祖王氏以來垂五百年運祚
既衰恭愍絕嗣妣僧辛昞子禰冒姓竊位荒湮廢堯
歲戊辰與其相崔瑩謀具師妄動將犯天子之境生

民之禍靡所紀極維時我主上殿下為右軍都統使
仗義還師禍乃知罪遜位子昌越明年天子責以異
姓為王氏後殿下以侍中任國政與諸將相議立王
氏之裔瑤為君初自禡時政在樞臣鬻賣官獄濁亂
朝廷攘棄土田籠絡山野紀綱大壞毒痛日甚民胥
怨恣日夕思治及殿下作相革除旧弊更新治道罷
私田以正經界汰冗官以重名器登崇俊良放寬頽
凶奮武威以却過寇施仁政以厚民業整頓紀度修
明禮樂三韓之民父母愛之瑤乃以昏迷闇於大体
崇信姦回廢黜忠直聽婦寺而亂田制之正任私昵

而紊名器之公政令無常以壞國法用度無節以傷
民財信群小浸潤之譖忘殿下匡復之功迺與其相
鄭夢周常謀陷之夢周陰嗾其黨之在臺諫者欲加
切劘及直言者罪羅織上書掎及殿下禍在不測國
人莫不憤怨洪武二十五年七月十六日左侍中臣
裴克廉右侍中臣趙浚等五十二人知天命之所在
察人心之所歸倡以大義百官父老不謀而同舍辭
勸進殿下讓至再三眾志彌固勉即寶位市不易肆
兵不血刃會朝清明民迺大悅即遣知中樞臣趙胖
奏聞帝乃詔曰三韓之民既尊李氏民無兵禍人各

樂天之樂迺帝命也未幾中樞使臣趙琳繼還又勅
國更何號星馳來報即令藝文館學士臣韓尚質奏
謂國名賜朝鮮之號且曰休天牧民永昌後嗣其獲
天人上下之助如此誠所謂應五百年而興者也臣
謹按璿源所自全之望族有司空諱翰仕新羅娶太
宗三十世孫軍尹金殷義之女生侍中自迺侍中生
儼射天祥儼射生阿干光禧阿干生司徒立全司徒
生兢休兢休生廉順廉順生承羽承羽生充慶充慶
生景英景英生忠敏忠敏生關文有生宮進宮進
生大將軍勇夫大將軍生內侍執奏璘執奏娶侍中

文克謙之女生將軍陽茂將軍娶上將軍李公諱康
濟之女生知真州諱安社後仕元朝為南京五千戶
所達魯花赤即我殿下皇高祖今封穆王陵號曰德
配李氏千牛長史諱公肅之女今封孝妃陵號曰安
皇曾祖諱行里襲封千戶今封翼王陵號曰智配登
州崔氏今封貞妃陵號曰淑皇祖贈贊成事諱椿今
封度王陵曰義陵配文州朴氏封敬妃陵曰純陵皇
考榮祿大夫判將作監事朔方道萬戶贈門下侍中
諱子春晏立邊切以長萬夫至正庚子四月甲戌病
薨于朔方道年四十六其年八月丙申葬于咸州之

東歸州之原今封桓王陵曰定陵妃崔氏贈判門下
永興伯靖孝公諱開奇之女封懿妃陵曰和陵世積
勲德肇基王迹善鍾慶發源遠流光爲生聖哲以建
六葉天之眷佑有德至矣王凡三娶懿妃又生一女
適三司左使趙仁璧李氏生男曰元桂仕前朝封完
山君卒金氏定安翁主生男曰和封義安伯殿下配
韓氏贈頌門下府事諱卿之女先薨贈節妃陵曰齊
陵生男曰芳兩封鎮安君曰芳果永安君曰芳毅益
安君曰芳幹依安君曰諱太宗靖安君曰芳衍早歿贈
元尹女二皆幼繼室康氏判三司事諱允成之女封

顯妃生男曰芳蕃撫安君曰芳碩幼女適京山李氏
濟封興安君鎮安娶貴成事池裔之女生男曰福根
元尹永安娶贈門下左侍中金天瑞之女益安娶贈
門下貴成事崔仁斗之女生男曰石根元尹依安娶
贈門下貴成事閔璿之女生男曰孟象元尹靖安娶
藝文館大學士閔霄之女撫安娶歸我君王某之女
巨竊觀帝王之興其祖宗積累之遠本支蕃衍之多
未有若周家者也爰自后稷歷數十世以至文武而
興三葉振麟趾誥螽斯實基蒼姬八百年之曆
亦由先世仁厚之德以致之者也今我國家自司空

至于桓三積善悠久而我殿下以英明之資神武之略遠紹遺烈光膺大慶以開億萬世無疆之休金枝之行既茂且蕃誠與周家並進是其積之者久故發之者大樹之者因故傳之者遠於戲盛哉臣某拜手稽首獻銘銘曰

於皇仙李 本固根深 粵自司空 世茂德音

長發其祥 至于桓王 誕我明主 奄有東方

曆數攸歸 不試戎衣 與民更始 照布德輝

三日不穀 獲膺天祿 寔繇祖宗 毓慶之力

迺稽曰章 追謚以王 潛德斯三 不顯其光

振公姓 即為其慶 維本維文 萬世有永

瞻彼歸州 有峙其丘 王氣鬱葱 無疆維休

臣拜稽首 我銘不諛 刻此真珉 以示後人

有明謚康獻朝鮮國大祖至仁啓運聖文神武

大王健元陵神道碑銘并序元本先主撰述此

石刻文頗異人更改與此本不同故兩存之

天眷有德以開治運必先有禎祥之應以彰符命之徵夏禹之興也天有玄圭之錫周武之王也夢有協卜之祥漢唐以降歷代之興莫不各有符瑞之徵非可以智求非可以力致必待聖哲之資神武之德膺

景運而誕作握瑞苗而勃興然後轉衰世而回治平
割大業而垂統緒皆由天授非出人謀惟我大相康
猷至仁啓運聖文神武大王之在龍淵也出入將相
數千年間符瑞之現前後駢臻其為相也夢有神人
執金尺自天而授之曰慶侍中復清矣而已老崔都
統直矣而少艱持此正國非公而誰夏禹玄圭之
錫周武協卜之夢廢可以追配矣其為將也庚戌之
攻元羅兵踰鴨綠而紫氣漫空庚申之捷雲峯師出
長湍而白虹貫日漢高帝芒碭之雲氣宋太祖陳橋
之日光亦可以儼矣矣戊辰之歲為崔瑩之逼攻遼

也外不敢犯上國之境内不敢違暴君之令進退惟
厲師次于威化之島霖潦數日水不甚漲及其仗義
旋旆師既渡岸大水時至全島墊溺漢光武滹沱之
水元世祖錢塘之潮皆不得而專美矣九變畜之局
十八子之說自檀君之世而已有歷數千載由今乃
驗又有異僧從智異山岩石之中得異書而未獻其
說與上所言出於檀君之世者相合此亦先武赤伏
符之類識緯之說雖云不經然亦理教之或有自古
而屢驗天之眷佑有德信有徵哉臣謹按璿源李氏
全之望姓自新羅司空諱翰而後二十三世至皇烈

考桓王積累承藉之美則我太祖龍淵之時先正李
穡所撰桓王墓碑具載之美我太祖創業垂統神切
偉烈之盛追王四代之時文臣鄭愨所撰桓王定陵
之碑悉書之矣臣今承命不敢贅陳姑撮其大言之
司空始媿新羅宗姓之女六世而至兢休始仕高麗
十三世而至皇高祖穆王始仕皇元而長千夫四世
襲爵咸能濟美元政既衰皇考桓王還仕高麗恭愍
王時紅賊起侵犯上都躡轡遠瀋天下莫敢遏其鋒
至正辛丑末陷王京恭愍播越遣使克復我太祖先
登獻捷威聲始振明年壬寅走胡人納哈出又明年

吳外逐僧王塔帖木摧鋒却敵所向必克由是恭愍
時倚益重累官將相出入中外制寇安民屢立殊績
彌令明信秋毫無犯豁達濟時之量仁厚好生之德
出於至性廟堂運籌之戰戰陣投戈之際引名儒商
確經史疊丁無倦或至夜分不寐尤樂觀真德秀大
學行義慨然有挽回世道之志勇略蓋世英銳絕倫
一時物望亦莫不注意恭愍暴薨蟬於竊位擁姦擅
國濁亂朝政貪穢殺棄罔有紀極侍中崔瑩憤肆誅
戮過於慘酷賴我太祖全活頗多瑩以太祖清忠勇
烈特舉為右侍中仍授右軍都統節鉞安勳師旅逼

遣攻處於是有威化之次倡率諸將仗義旋旆以蒞
武二十一年戊辰六月執退莖代以名儒李穡為左
侍中更新廢政以安一國方是時也前遭貪暴之濁
亂後致狂悖之構釁危三友一榻亂莫測微我太祖
轉移之力一國民命殆糜爛矣穡自我太祖曰公今
舉義回戈討罪以尊中國老夫居上同任國政使公
忠誠畢達瓊續吾之責也刻日如京我太祖為擇諸
子以今我主上殿下亮書狀官從穡皆朝高皇帝深
嘉忠誠優禮而遣已巳之秋欽奉帝旨責以異姓為
王氏後太祖與諸將選立王氏宗親定昌君瑤盡心

匡輔修明政刑革私田以戢棄攘重名器以汰冗濫
群情胥悅洽然望治切高見忌讒憲友構定昌昏暗
反感貝錦我太祖屢以盛滿上箴請老而不得謝會
因而行違疾而還謀者抵噴禍切剝膚我殿下應機
制變芟除根株支儻瓦解定昌政昏國勢机裡以供
武二十五年壬申秋七月十六日天誘殿下與左侍
中臣裴克廉右侍中臣趙浚等五十二人倡義推戴
臣僚父老不謀僉同我太祖聞變驚起牢讓再三乃
迫輿情馳登王位不下堂陞而化邦國易姓受命易
如轉丸非天靖國啓佑有德疇克如茲即遣知中樞

曰趙胖奏聞帝詔曰三韓之民既尊李氏民無兵禍
人各樂天之樂乃帝命也繼又有勅國更何號星馳
未報即遣藝文館學士臣韓尚質奏請國名又詔曰
惟朝鮮之稱美可以本其名而祖之侔天牧民永昌
後嗣蓋我太祖威聲素著天下服其勇忠義既效天
下高其智勲德升聞簡在帝心故當請命輒蒙俞音
豈偶然哉越三年甲戌夏帝命遣親男入朝我太祖
以我殿下通經達理嘗朝帝廷即遣應命既至敷奏
稍至優禮慰遣其冬十月定都于漢陽營宮室建宗
廟追尊皇高祖穆王皇高祖妣孝妃李氏祀一室皇

曾祖翼王皇曾祖妣貞妃崔氏祀二室皇祖度王皇
祖妣敬妃朴氏祀三室皇考桓王皇妣懿妃崔氏祀
四室又各於山陵置守陵戶以時致祭修禮樂而修
祀事定章服而辨等威贍資養而興學增奉祿而勸
士辨詞訟之紛爭重守令之黜陟弊政悉革庶績惟
熙謹侯度以度事大備戰艦以嚴禦侮帝賜歲三俸
所賦琛海冠龍威來服繼踵四境按堵民安物阜我
六祖魏蕩聖德真所謂天錫勇智時又聰明神武而
不殺惟偉而不常豪傑之主也姦臣鄭道傳以表辭
獲譴帝遣使責取諉疾不行陰謀動兵攻遼拒命

戊寅秋八月幸乘太祖弗豫之際謀去諸嫡欲秘幼
孽以肆已忘夜聚私第禍機已迫我殿下炳機殲除
以嫡以長請討上三為世子彝倫以正宗社載定九
月丁丑我太祖以疾未瘳內禪于上王上三未有繼
嗣且謂開國定社成我殿下之績又用殿下為世子
庚辰秋七月己巳奉冊寶上我太祖啓運神武大上
王之號冬十有一月庚酉上王亦以疾禪位于我殿
下遣使請命今皇帝即祚賜以誥印永樂元年夏四
月遣都指揮高得左通政趙居任來封我殿下為國
王繼遣翰林待詔王迺岭行人崔榮來賜殿下表冕

九童錦段紵羅書籍王妃冠袍錦段紵羅我太祖錦
段紵羅各有差自是簞財絲絹珍玩之賜連歲杳三
籠眷之重視右無比以永樂六年戊子五月二十四
日壬申我太祖宮車晏駕春秋七十四歲在三位之
年老不聽政十有一年臣民咸頌文昭萬歲永享榮
養一朝登仙弓劍忽遺嗚呼痛哉我殿下哀慕罔極
梁閣盡禮謹率群臣奉冊寶加上太祖至仁啓運聖
之神武七三之號以是年九月初九日甲寅葬于城
東楊州治之儉巖山陵曰健元置寺其傍額曰開慶
以薦頒福喪葬之礼克盡誠心一遵古典遣使訃告

皇帝震悼，嚴制特遣禮部郎中林觀賜以大牢，為文以祭其略曰：惟三明達好善，出乎天性，敬順天道，敦義，摠志，恭謹，奉天保恤一方之民，以臻富庶，我皇考深嘉忠誠，特賜復國，號曰朝鮮王，功德之著，雖古朝鮮之賢王，無以過也。又賜誥命，謚曰康獻，又勅殿下賜賻，特厚，寵異之，典備禮，無憾。惟我太祖畏天之誠，基之於前，我殿下繼志之孝，承之於後，聖相承克享天心，故能精誠通於神明，福履迨於宗社，終始之際，大獲天人上下之助，如此其至，嗚呼！盛哉！首妃韓氏，安邊世家，贈領門下府事安川府院君諱御之女。

先薨，初謚節妃，後加謚承仁順聖神懿。三后誕六男二女，上三居二我殿，下居五。長曰芳雨，鎮安君，克卒。次三芳毅，益安大君，亦先卒。次四芳幹，懷安大君，次六芳行，登科，不祿，贈元尹女，長慶慎宮主，下嫁上黨。是季，行非一季也。次慶善宮主，下嫁青原君沱，涼次妃康氏，判三司事，克成之女，初封顯妃，先薨，謚神德。三后誕二男一女，男長芳蕃，贈恭順君，次芳碩，贈昭恒君，女慶順宮主，下嫁興安君季濟，亦非一季。皆先卒。上三配金氏，今封王大妃，贈門下侍中天瑞之女。無嗣。我中宮靜妃閔氏，驪具府院君謚文度公諱靈。

之文誕四男四女男長世子視次祐孝寧君次齡上
志寧君次幼女長貞順宮三下嫁清平君李伯剛
非一季次慶貞宮三下嫁平壤君趙大臨次慶安宮
三下嫁吉川君權趾次幼鎮安晏實成事地濟之女
三二男長曰福根奉寧君次曰德根元尹益安娶贈
門下實成事崔仁玗之女生男曰石根益平君依安
娶贈門下實成事閔璿之女生男曰孟象義寧君臣
觀歷代受命之君靈瑞之慶當時彙筆之士必詳記
而特書之以昭德之符而杜非鯁輝映簡冊流光罔
極今我朝鮮之誕興也受命之符駢集輻注于古有

光是雖在德不在慶然天心之眷佑由是而益彰是
宜大德受命既得其位又得其壽峙洪基於不拔流
景祚於無窮與天地而久長矣臣以不材叨居載筆
固當備錄以示于後况茲盛承勒碑之命敢不益欲
竭情覃思鋪張盛德以垂耿光然臣近筆力鄙拙不
足以發揚盛美稱塞明旨是猶蠶測河海亭臺天地
豈能縵其涯洪窺其歸或謹撰勳德在人耳目者
敢拜千替首而獻銘其詞曰

送亡遐遊

兩儀肇開

入參高三

三以司牧

運長運治

運春有德

非天諱

有命赫

高錫玄三 同其協卜 歷代之符 史具可觀
惟我朝鮮 肇基三迹 要有神人 授以金天
茶氣漫空 虹疑日色 慶瑞聯翩 天心昭晰
震運既終 自取顛覆 維是昏狂 維相慘酷
農月興師 大和構隙 國既蔑咎 危亡定
我布義旋 罪人斯得 忠誠二聞 帝心載懌
維奉綸旨 三祀復續 迺反柔昏 以訖天祿
婚數有歸 輿情斯迫 大業既成 而肆不易
高皇曰在 惟爾有國 民無兵禍 崇天之樂
繼賜國號 朝鮮是復 相地定都 于漢之北

帝詔龍蟠 王氣攸積 宮室崇丁 宗廟翼翼
寅祀祖宗 尊以王爵 仁傑好生 治爵思輯
百度具修 萬化斯洽 臣民父老 蹈舞歌曲
昔我顛隳 方為魚肉 今我咸蘇 沐浴膏澤
耕鑿而居 仰事俯育 壽考萬年 永膺多福
迺倦于勤 傳付聖嫡 嫡又讓切 惟世推及
明了我后 炳幾若燭 雨霰方凝 見觀即釋
禍乱再三 其慶克篤 開國定社 咸我之績
大命難辭 神器有托 祗奉兩宮 虔恭愈恪
孝弟通神 帝眷充溼 籠齊具歲 如山如岳

四境奠安 遐通靜肅 遭喪悼 哀慕踊碎
帝聞震悼 遣使吊哭 大宰有祀 厚賻有勅
美謚褒嘉 恤典備飭 自天佑之 終始不忒
景祚綿 子孫千億 於萬斯年 永保宗祏
高山可飛 滄海可涸 宗祀悠長 與天罔極
石刻本
天眷有德以開治運必先現異彰其符命夏有玄圭
之錫周有協卜之夢由漢以降代各有之皆由天授
非出人謀惟我太祖大王之在龍淵也勲德既隆符
命亦著夢有神人執金尺自天降而授之曰公宜持

此正國夏圭周夢可同符矣又有異人未門獻書云
得之智異山岩石之中有木子更正三韓之語使人
出迎則已去矣書雲觀舊藏秘記有九變震壇之畜
達木得子朝鮮即震壇之說出自數千載之前由今
乃驗天之眷佑有德信有徵哉臣謹按璿源李氏全
州望姓司空諱翰仕新羅嫁宗姓之女六世而至兢
休始仕高麗十三世而至皇高祖穆王入仕元朝而
長千夫四世襲爵咸能濟美元政既衰皇考桓王還
事高麗恭愍王至正辛丑紅冠陷王京恭愍南遷還
師克復我太祖先登獻捷明年壬寅擊走胡人納哈

出又明年美郊却逐偽王塔帖木恭愍恃倚益重累
官至將相出入中外樂觀經史疊々無倦濟時之量
好生之德出於至性恭愍薨異姓竊位權奸擅國濁
亂朝政海寇深入焚掠郡縣洪武庚申我太祖戰捷
雲峯東南以安戊辰侍中崔瑩誅戮權奸過於慘酷
賴我太祖全活頗多瑩以爲祖爲侍中仍授右軍都
統節鉞逼遣攻遼師次威化島倡率諸將杖義旋旆
師既登岸大水沒島人皆神之執退瑩代以名儒李
穡爲左侍中方是時也權奸濁亂狂悖措隙危亡岌
岌禍亂莫測非我太祖轉移之力一國殆矣穡曰今

公舉義以尊中國然非執政親朝則不可尅日如京
太祖爲擇諸子以今我主上殿下與穡偕朝高皇帝
嘉賞而遣已也秋帝責異姓爲王太祖與將相選立
三氏宗親定昌君瑤盡心輔改革私田汰冗官群情
胥悅切高見忌諫憲文構定昌頗惑焉太祖以盛滿
請老而不得謝會因西行遘疾而還謀者益忌我殿
下應機制變群謀瓦解洪武壬申秋七月十六日殿
下與大臣裴克廉趙浚等五十二人倡義推戴臣僚
父老不謀僉同太祖聞變驚起牢讓再三勉登王位
不下堂階而化邦國非天啓佑有德疇克如茲即遣

知中樞院事臣趙鼎奏聞帝詔曰三韓之民既尊李氏民無兵禍人各樂天之樂乃帝命也繼又有勅國更何號即遣藝文館學士臣韓尚質奏請又詔曰維朝鮮之稱美可以本其名而祖之俸天牧民永昌後嗣絲我太祖威聲義烈外聞于上簡在帝心故當請命報蒙俞旨豈偶然哉越三年甲戌夏有構國家者帝命遣親男入朝太祖以我殿下通經達理賢於諸子即遣應命既至敷奏稱旨優禮賜還其冬十一月定都于漢陽營宮室建宗廟嘗已追尊四代皇高祖為穆王配李氏為孝妃皇曾祖為翼王配崔氏為真

妃皇祖為度王配朴氏為敬妃皇考為桓王配崔氏為懿妃修禮樂而虛祀事定章服而辨等威興學以育才重祿以勸士辨析詞訟慎簡守令幣政悉革廢績惟熙海寇未服四境按堵我太祖魏蕩盛德真所謂天錫勇智聰明神武雄偉之主也奸臣鄭道傳以表誣獲譴帝廷陰謀拒命戊寅秋八月來我太祖不豫之際欲挾幼孽以肆已志我殿下炳發鐵除以嫡以長請建上王為世子九月丁丑太祖以疾未瘳禪于上王上王未有繼嗣且謂開國定社成我殿下之績乃用為世子庚辰秋七月己巳獻太祖以啓運神

武太上王之薨冬十有一月庚酉上王亦以疾禪位
于我殿下遣使請命永樂元年夏四月帝遣都指揮
使高得茅奉詔印未封我殿下為國王繼遣翰林待
詔三迺齡茅未賜殿下哀冕九章袂視親三我殿下
奉養兩宮誠敬備至永樂戊子五月二十四日壬申
太祖晏駕春秋七十四歲在王位七年老不聽政十
有一年弓劍忽遺嗚呼痛哉我殿下哀慕因極諫閣
盡禮奉用寶上太祖至仁啓運聖文神武大三之號
以是年九月初九日甲寅葬于城東楊州治之儉岩
之山陵曰建元及訃聞皇帝震悼罷朝即遣禮部郎中

林觀茅賜祭以大宰其文略曰惟王明達好善出於
天性敬順天道效義據忠恭謹事大保恤一方之民
我皇考深嘉忠誠賜復國號曰朝鮮王切德之著雖
古朝鮮之賢王無以過也又賜誥命謚曰康獻又勅
殿下賜賻特厚寵異之典備極無憾蓋我太祖畏天
之誠殿下繼志之孝前後相承克享天心故於終始
之際大獲天人上下之助如此其至嗚呼盛哉之
觀歷代受命之君德業之盛符命之神輝映簡冊流
光罔極今我朝鮮之誕興也盛德真符于古有光是
宜既得其位又得其壽時洪基而流景祚與天地而

久長矣且近濫承勒碑之命敢不竭精鋪張盛德以
垂耿光然臣筆力鄙拙不足以發揚盛美稱塞明旨
謹撰勲德之在人耳目者敢拜手稽首而獻銘其詞
曰

天生斯民	立以司牧	迺長迺治	迺眷有德
非天諄々	有命赫々	禹錫玄圭	周夢協卜
惟我朝鮮	肇基王迹	夢有神人	授以金尺
符籙前定	天心昭晰	麗運既終	君昏相酷
農月興師	大邦構隙	我旆義旋	罪人斯得
忠誠上聞	帝心載懌	歷數有皈	輿情斯迫

大業既成	市肆不易	高皇曰咨	惟爾有國
民無兵禍	樂天之樂	繼賜國號	朝鮮是後
相地定都	于漢之北	虎踞龍蟠	王氣攸積
心室崇々	宗廟翼翼	仁深好生	治蔚思輯
百度具修	萬化斯洽	迺倦于勤	傳付聖嫡
迺讓于切	惟世惟及	明々我后	有幾必燭
禍乱再平	其慶克篤	開國定社	咸我之績
大命難辟	神器有托	祗奉兩宮	虔恭愈恪
孝弟通神	帝眷允渥	遭喪悼々	哀慕踴躍
帝聞震悼	遣使吊哭	大牢有祀	厚賻有勅

美謚褒嘉 恤典備飭 自天佑之 終始不貳
景祚綿久 子孫千億 宗祀悠長 與天罔極

陽村先生文集卷之三十六

陽村先生文集卷之三十七

有明朝鮮國承仁順聖神懿王后齊陵神道碑
錄并序

自昔帝王受命而興必賴如匹之賢作德毓慶以永
厥緒夏有塗山而啓能繼周有大姒而武丕承禹文
配天之祀繇是有永猗歆盛哉惟我神懿王后天資
淑懿坤德柔貞早嬪龍洲弼成王業篤生聖哲垂統
同極神功懿範比古無愧獨惜夫大勲垂集仙遊甚
遠太上開國而莫崇其壺儀二聖承緒而莫致其榮
養山陵掩耀霜露增悲嗚呼勸哉初謚節妃陵躋曰

齊後加謚神懿王后置仁昭殿以安真容追崇之典
已備舉矣我主上殿下慟念慈儀永闕孝思莫伸爰
命佀司勒銘豐碑令臣近為文垂示萬世且近承命
悸恐不敢以辭謹按后姓韓氏安邊世家皇考諱郤
贈忠誠恭謹積德毓慶輔理切臣壁上三韓三重天
匡頌門下府事安川府院君皇祖諱珪仁贈積善毓
慶同德贊化翊祚功臣特進輔國崇祿大夫門下左
政丞判都評議使司事兼判吏曹事安川府院君皇
曾祖諱裕贈純誠積德佐命輔理功臣崇政大夫門
下侍郎贊成事同判都評議使司事兼判戶曹事安

原君皇妣申氏封三韓國大夫入贈秉義毓德輔祚
功臣崇政大夫門下侍郎贊成事同判都評議使司
使判刑曹事元麗之女后生而淑婉聰慧異常及笄
擇配來嬪于我大上王初為將相數十年間出入攻
戰靡有寧歲后能竭力營家勉以成切又性不妬忌
禮遇妾侍克有多男教誨以義今我主上殿下睿括
英武聖學日進年未及冠擢第春官當偽辛戌辰之
歲心中崔瑩謀欲猾夏以我太上王威望素著授以
節鉞俾往攻遼太上王仗義還師執退崔瑩代以名
儒李穡中外晏然邦國永賴穡告太上王曰當茲構

豐中國之後非執政者親朝帝廷則公之忠誠無以
白於天下尅日將行太上謂穡曰吾與公一時並使
國事誰任我擇一子從公而行猶吾往也乃遣我殿
下充書狀官特蒙高皇帝優禮而還己巳秋帝又降
勅責以異姓為王氏後太上王與諸將相議立王氏
之裔定昌君瑤為王先是權燕擅政攷攘矯虔太上
王時為左相罷私田舉墜典弊去利興百度俱新功
高不賞德大難容謔邪文構浸潤叵測定昌柔暗依
違兩端后乃憂勞成疾以辛未秋九月十三日薨享
年五十五以禮葬于城南海豐郡治栗村之原我殿

下廬墳欲終三年明年壬申春太上西行昇疾而還
殿下來侍湯藥群邪抵隙謀傾益急我殿下應機史
策討除渠魁兇徒无解定昌益悼秋七月十六日與
二三大臣倡以大義臣僚父老不謀而同合辭推戴
太上王迫於群情迺即王位市肆不易會朝清明即
遣使入奏帝廷聯承勅報既許王爵且更國號以復
朝鮮之美稱越三年甲戌夏帝乃遣使令朝親男太
上三以我殿下通經達禮最賢諸子命隨來使以行
既至帝與語嘉之優賞遣飯戊寅秋八月太上王不
豫姦臣鄭道傳等思擅國柄謀去諸嫡將立幼孽朋

家聚黨禍發斯迫殿下炳幾先其未發誅除以燿申
請太上以嫡以長迎致上王冊封世子彝倫既正宗
社載定九月丁丑太上以疾未瘳傳位上王庚辰正
月廷臣朴苞等謀成同氣誘掖懷安父子構兵向闕
逆勢甚熾我殿下率勵將士旋即平定誅止苞身餘
悉不問安置懷安不廢懿親上王以未有繼嗣且其
開國定社咸茂殿下之績冊為世子以定國本秋七
月己巳奉冊寶加上太上王啓運神武之躋冬十有
一月癸酉上王亦以疾遜位于我殿下遣使請命明
年辛巳建文帝遣通政寺丞章謹文淵閣待詔端木

禮奉誥命印章來封我殿下為王冬遣鴻臚寺行人
藩文奎來錫冕服秩比親王今皇帝即位誕告萬邦
殿下即命左政丞臣河崙入賀登極帝嘉忠誠事大賜
以誥印遣都指揮高得左通政趙居任以今年夏四
月來仍封為王秋九月又遣翰林待詔王延齡行人
崔榮來錫袞冕九章錦段紗羅書籍王妃冠袍金段
紗羅太上王金段紗羅希世寵典先後還至蓋我殿
下功德之盛實天所啓專付大東以延鴻休宜受帝
眷之隆以膺天祿之永也肇基之迹雖自祖宗篤生
之慶實繇神懿噫嘻盛哉后生六男上王居二我三

上殿下居五長曰芳雨封鎮安君先率次三芳毅封
益安大君次四芳幹懷安大君次六芳衍登科不祿
二女長慶慎宮主適贊成事李衍次慶善宮主適清
原君沈淳一王配金氏今封王大妃贈左侍中天瑞
之女我殿下配靜妃驪興府阮君頌藝文春秋館事
閔霽齊之女男長元子提次三男皆幼女長貞順宮主
適清平君李伯剛次慶貞宮主適平寧君趙大臨餘
皆幼鎮安娶共貞成事池齋之女生男曰福根奉寧君
女適少尹李叔畝益安娶贈贊成事崔仁科之女生
男曰石根元尹女適僉摠制金闕懷安娶贈贊成事

閔璿之女生男曰孟宗義寧君女適宗簿令趙慎言
餘皆幼臣近嘗觀三代聖王后妃之德莫盛塗如載
在詩書千古炳耀神懿之德誠可麗美第以臣近學
識膚淺筆力鄙拙雖極形容盛德如繪天地曷能歸肆
其萬一哉敢普周雅大明思齊之義謹述銘詞拜手
稽首以獻其詞曰

上帝赫子 啓佑有德 匪伊私之 為民之極
其啓維何 迺生承嘉 來配于德 允宜室家
載震載育 厥靈是赫 篤生聖哲 天人攸屬
扶翊聖父 誕作民主 躬朝帝庭 保我邦土

孽芽之萌	炳幾維明	廓爾汎掃	宗社載寧
功成克讓	以尊嫡長	彝倫既正	基勢益壯
迺遭墻間	不忍致辟	俾獲保全	友愛彌篤
維德之隆	維功之崇	宜紆帝眷	錫命稠重
明之帝誥	爛之金寶	我龍受之	萬世永保
粵維王迹	祖宗攸積	誕我聖神	繫繇后德
臣拜誓首	獻辭不苟	萬世昭垂	天地永久
述源縣小雪山菴圓證國師舍利塔銘并序			
王師圓應尊者馳書於予曰吾先師大古國師大有			
異德及示寂舍利甚多上心敬重命有司謚曰圓證			

塔曰寶月昇空樹于重興寺東峯牧隱祖國奉教以
 銘龔石作鍾藏舍利非一所曰陽山舍那青松大古
 菴是已又於述源小雪菴樹塔以藏小雪師之所始
 終焉者也師嘗入龍門山發十二大願自是道日進
 既有得遊入中國謁石屋珙公於潮洲一言相契授
 以信具石屋臨濟之直派也及東還過述源有老吏
 泣請留因卓菴於龍門之北麓號之曰小雪山躬耕
 以居者累稔此師所以始之也玄陵封王師尊禮甚
 極雖有厯居廣明陽山迦智等寺間必往小雪居焉
 初鸞鳥城曉以左道惑上師白於玄陵曰彼實邪妄願

上勿通玄陵不警曉含之曉始用事師還印章寓於
全之普光寺曉欲害之証以不言幽之俗離山未幾
玄陵悔之請還小雪曉果逆誅玄陵曰吾恨不用吾
師之言遣使加封國師今上嗣位請住陽山寺又封
國師壬戌夏師年八十二矢自陽山還小雪冬十二
月示疾定時日如期而逝此師所以終之也始於此
卓錫終於此茶毗樹塔於此亦宜也諸藏舍利之所
皆得巨筆以誌獨於小雪尚未有銘者非歟歟時之
大儒若救隱陶隱三峰諸公皆已有言於吾師而吾
子獨無幸無讓予不敢居數君子之列固辭不獲命

乃言曰佛氏之道玄微高遠固難公言語形容况儒
者所不究敢妄議哉惟師之德相孚於石屏紅之智
平驗於鷲城所造可謂高矣所見可謂明矣然其間
與非具眼者莫能知惟舍利之異赫然播八耳日聞
者起敬信之心是百藏而表之以示於無窮也銘曰
能仁道大 包含無際 五葉東敷 開士繼之
粵吾太古 允也天啓 遠參于洪 惟道之契
先見于曉 惟智之睿 道則高矣 人莫能曉
赫然舍利 衆所瞻彩 宜藏名山 永示來世
有明朝鮮國普覺國師碑銘并序

上肇位三年春二月已亥駕幸檜寺令近若曰
脩國師在前朝道行高一世逮余莅祚之初而奄逝
余甚悼焉今其徒確石厝骨又欲勒碑以示後示宜
為銘已近承命憐恐不敢以不文辭師諱混脩字無
作號幻菴李姓趙氏廣州豐壤縣人考諱叔錫憲部
散郎妣慶氏本清州皆士族也憲部出宰龍州以延
祐京申三月十三日生師于治所嘗一日出田見一
鹿走且止而顧視者再欲發矢異而顧之有其兒追
母而來乃嘆曰獸之念兒與人何別即罷獵不數月
病終于州妣奉喪提孩以假師少常嬰疾卜之曰此

兒出家終不病作大和尚矣年甫逾一紀妣謂師曰
汝生之初汝父以憐汝故感鹿母兒以休其穢是汝
慈仁護生之道已現不極祿之日矣况卜者言然今
投大禪師繼松祝駁訓習內外典聰慧異常月開日
益卓然有聲遂為屈下第二座至正紀九年已赴禪
試登上科儒釋明遊日以親附每歎身命幻化靡
常超然有脫棄名羈之想忽聞母鄰有暴亡者益自
悲感使意入山辭母將行夢見日輪直照師面既覺
欣慶往往金剛山即八年戊子秋師年二十有九歲
也攝心不寐脇不輟衡功夫日進既二稔聞其母

望不置即來觀省寓止京山不敢遠遊凡五六年及
母卒備寫大字妙法華經以資冥福謁息影鑑和尚
于禪源學楞嚴深得其髓故宰相趙公雙重新結休
休菴近師請演首楞要旨誓才清發令人悲喜因注
三年往忠之青龍寺青龍西麓沿溪而上峰回境靜
有屋舊址躬搬木石經營無憚既成扁以宴暇蓋自
表其心迹也玄陵高師行誼請住檜岩寺不就乃入
金鰲山又入五臺山居神聖菴時懶翁勤和尚亦從
孤雲菴數與相見咨質道要翁後以金欄袈裟象牙
掘山承仗遺師為一羊又秋命以陵道按廉使起師

赴闕俾主登壇之戒師於中道遊走晦迹山水間遍
歷名山操守益固已酉白城郡人金璜邀師以聚剝瑞
雲寺師至開僧堂葺廡大張禪會四衆聞之造謁
者衆洪武三年庚戌秋七月上設劫瓦遶場大集禪
教山門初子命懶翁試之上親臨觀翁下一語諸衲
無一能對者上不懌將罷師後至貝威儀立堂門階
下翁問如何是當門句師即上階會曰不落左右中
中而立問入門句師入門曰入已還同未入時問門
內句曰內外本空中云何立翁入以三關問曰山何
嶽邊止會曰逢高即下過下即止問水何到成瀑曰

大海潛流到處成渠問飯何白未做曰如藏沙石豈
成嘉餐翁乃領之上勅攸司制入格文留宗門師知
上欲命住院不告出城隱於圍鳳山五年壬子廩於
上命住佛護寺越明年有旨徵入內佛室師用夜半
潛出直往平海之西山勅諸道搜之不已乃出應命
甲寅正月始入院上屢咨法要王大妃尤加敬重及
九月上賓于天康宣君立賜以廣通無碍圓妙大智
普濟之號乙卯秋移住松廣社丙辰三月上書辭
院啟瑞雲寺戊午自雉岳還宴晦忽一日有賓及門
師即入室托疾不出賓果中使請師三光巖師以疾

辭不獲乃起以來僅閱三霜請退不報即以宵跡抵
于原之白雲菴自後歷徙龍門清平雉岳諸山誓不
復作住持癸亥二月初議欲遵舊制擇立釋門名德
以為師範時望咸注于師聞謀欲隱避門人甘露
長老慶觀曰此自安之計耳方今國主尊崇我法欲
舉斯亭意甚盛也願師為法小安無躁師果不行夏
四月朔甲戌王遣相臣禹仁烈等奉御書印章法服
禮幣就所寓宴晦庵用為國師大曹溪宗師禪教都
摠攝悟佛心宗吳慈運悲福國利生妙化無窮都大
禪師正遍智雄尊者以忠之開天寺為下山所其秋

往瑞雲山王又遣正郎朴元素獻鞍馬邀還明年甲子海賊深入寇忠州界廟謀慮開天林經將為賊藪師住于彼其能安乎以聞于王遣使邀至光嵩寺既至上言曰老僧未解開天且住光嵩雖得一寺尚違素志况可兼乎殿下若欲俾老僧全心以追先君冥福者庶以開天差付別人王曰開天是師終住黃蘗之地光嵩是予請來演法之場兼領何害師不得謝乙丑秋命設五十日白傘蓋道場以禳天地災變名儒韻釋多詣聽講會末王亦駕幸以致禮丙寅大妃安氏為導玄陵請莅佛頂會于輔國寺王又請於壽

昌宮主消吳席及還命代言李稷伴送用表尊敬戊辰夏王遜于外幼君襲位師乞假開天專使護行己巳之冬恭讓君即祚具殿封印送納于朝人雉岳山末教月更封國師遣使復于開天今主上之在潛邸嘗與師願成大藏辛未秋莊校訖功置瑞雲大設慶會恭讓君命內臣降香邀師為證壬申秋七月我三上奉命啓統師即表賀俄以老病乞解其位與寺修殿送印遂移錫于青龍侍者湛圓奉書印詣闕上意欲仍師事即還其印湛圓未報師感頰曰吾老且病達將不义明主如何坦吾之願未幾病作旬日彌留筆

數起便不令人扶困不尸卧必以又勝至九月十有
八日丙申命作遺書又謂門人曰吾行在今晚可請
州官封印至晚坐曰如今臘除已到吾當逝矣即設
偈儼然示寂床坐八日貌若平時至二十五日癸卯
門人積薪茶毗于宴晦之北麓是夜有雨崇朝不止
方下火雲開天霽若有神助厥明拾骨色白如雪其
頂骨尤厚且淨門人紹安奉遺書以聞上情惻悼命
攸司賜謚曰普覺塔曰定慧圓蟪差遣內臣監其厝
骨又勅工造浮屠以其年後十二月甲申寔于青龍
寺之北峰是夜星朗雞鳴兩作迨累石乃歛衆以謂

異春秋七十三夏臘六十師兒清而秀氣淑以和礼
恭言切人皆愛敬持律乃堅守道乃勤位尊而心益
謙年高而行益勵禪教諸典靡不研穹率多不師自
通誨人不倦講解詳明所至弟子彌衆入其室者多
聞人碩德不喜綴文苟下筆則辭語精微尤二於簡
牘識者稱之門人等謀欲豎碑于浮菴之側使其徒
七雨撰行狀紹安持以聞于上以有是命且近竊性
佛氏之道莫高於禪然其言多詭恠莫測若麻斤屎
撮之類尤可駭愕其傳愈遠而說益誕唯曹溪大鑑
師心平行直等語典實平易其道益尊故能補高諸

祖至今學禪者皆宗之今觀吾師選場答話事理
徹明的實且其平日訓迪學者必以真常使之易入
而大鑑同軌非若他誕幻可駭者之比是知道本坦
突而師之所造者深矣况師既有資稟之美又加功
力之勤其所得必異於人亦何疑哉是宜為銘
性海如湛 浮漚自生 起滅無迹 恒澹以清
吾師之德 展也大成 慧悟出眾 早卓有聲
感歎奮發 辟觀以行 擬心著力 不擬不衡
不落左右 中道斯征 纖空迥絕 惠日常明
寫山晦迹 一瓶一錫 答問交符 天顏載懌

万衲趁風 一國仰德 出住師窠 在動弥宗
始夢日輪 厥靈斯赫 暨終有微 法雨普洽
王命在碑 刻碑于石 尽未來際 皆師普覺

陽村先生文集卷之三十七

陽村先生文集卷之三十八

碑銘類

有明朝鮮國謚文簡公安公墓碑銘并序

公諱宗源字嗣清姓安氏順興府人考諱軸號謹齋
先生中皇元制科相高麗為都僉議贊成事卒謚文
貞嘗存撫關東著元注集行于世祖諱碩及第曾祖
諱希諤本府戶長累積不施以遺後慶文真力學起
家位至宰相嫁甘泉郡夫人文氏檢校軍器監龜之
女也以泰定乙丑五月庚酉生公公生而聰慧稍長
知讀書不事嬉戲舉止異群兒識者知其必真至正

辛巳公年十七金左使光載試成均李侍中品鄭贊
成乙輔掌禮園公一舉聯中其選壬午初權典校校
勘歷三年遂為真乙酉選入藝文春秋館為二檢閱
旧君是館者率以踈放相尚公繩以禮法館中肅然
丙戌再加修撰供奉秩滿當去同僚沈東老年高位
下公讓之使得先遷文真聞之喜曰讓德之先也我
讓於人人誰捨我吾家有人殆益昌乎後一年乃拜
三司都事自是歲遷副使有備倉丞司僕令供造所
居稱職譽聞彌播歲辛卯恭愍王立除都官佐郎壬
辰轉軍簿关已擢典法正郎時曰民刑訟皆聚典法

公裁決平允人稱其明甲午秋公年三十選為慶尚
道按廉陸薛之日王問理民之術公先諸道按廉數
陳詳切王稱善治果有聲其冬遷版圖乙未以軍簿
正郎出知呂吳丁母憂不之任丙申夏王誅元仁奇
氏之族倚勢不法者起公為殿中侍御史以振憲綱
丁酉迁起居郎知製敎上封事改禮部郎中戊戌移
千吏部時罷政房以詮選飯吏兵部公掌其務不阿
權貴同列憚服庚子階朝散大夫侍御史辛丑秋出
按場廣其冬紅賊犯松京恭愍王播越而南公先往
忠州以備供御時王左右有以事含公者諧于三四

按廉宗源到忠州已踰嶺而遁矣王信之遣中使執
以來使者至忠州見公在館營辦供具知其被誣執
與俱來以其事聞王叔不問左右復譖遂械繫之宰
相以非罪白王乃貶知清風郡事踰年而罷其民至
今思之矣卯為都官慈郎甲辰遷典法及辛卯擅權
時歸領相士大夫爭趨附之有執政者與公言某等
薦公於領相諫官可得宜速往謁公諱曰我本疎懶
趨勢非吾所能也執政慙之反譖公出為江陵府使
有惠政未久而代閑居七八年屏跡不出詩書自娛
洪武辛亥晚伏誅壬子二月復為司憲侍史冬加典

校令矣丑遷右司諫大夫知製教直寶文充春秋甲
寅改左司諫乙卯沔歷成均大司成判宗簿寺事加
通憲古常侍丙辰春拜大司憲階奉翊秋入密直為
提學仍兼大司憲俄又改副使丁巳加同知戊午移
簽書己未階加匡靖判崇敬府事未幾罷封重大匡
與寧君庚申以商諫政堂復兼大司憲辛酉加純誠
補祚功且之號門下評理大司憲仍故壬戌春又封
與寧君加功且號純誠翊戴輔理其夏知真舉取柳
亮等三十三人時稱得士亮今為中樞餘皆顯丙寅
拜政堂文孝大進賢知春秋丁卯罷復封君戊辰乙

月侍中崔瑩得政誅權臣貪污者以公清謹除門下
贊成事判典工為提調詮選事公辭不克六月改為
商訖八月判厚德府事仍掌銓選十月以藝文館大
提李兼判尚瑞司事兼判尚瑞即提調詮選之職也
已巳六月加重大匡門下贊成事判版圖世稱二相
奉使如上國賀聖節冬還恭讓君立復拜大藝文監
春秋庚午拜判三司事大右文領書雲觀事辛未進
封三重人匡與寧府院君每自以盛滿辭壬申七月
今我主上即位以公為國初元老清德重望足以坐
鎮雅俗授特進輔國崇祿大夫領三司事集賢殿大

學士美西判門下府事階勳館職如故甲戌公年已
七十矣二月復奉使如上國至連山站遼東都司稱
有朝旨阻當而還三月二十四日以疾卒于第訃聞
上悼甚罷朝命遣門下左侍中平壤伯趙浚賁教書
致奠于壙賻贈有加奉常謚文簡有司具儀衛五月
庚申葬于臨津縣瑞國洞公天資簡重風神清朗持
身以慎當官以勤居家不言利臨事安詳未嘗有疾
言遜色待人接物恒尊而益謙又不言人過失有善
則稱之不已每誡子弟自不妄語始長子仲溫嘗尹
安東親書訓誡之辭數十條以與之甚詳且切舉可

為法作亭於宅之後崗扁以双清因為自辨客至必
置酒不務豐侈不喜琴瑟惟以礼意款洽再掌詮選
不用私謁出入臺諫務從大体不事瑣細歷相累朝
不為子弟求恩澤謹守成憲不喜紛更詎論寬厚有
宰相体趙密直云化後公二十餘年乃任江陵知父
老思公不忘為構生祀堂畫公像以掛之及公之沒
遠近聞者莫不相吊以悲公之終始可謂克全矣公
娶奉翊大夫右常侍金輝南之女生四男一女長即
仲温奉翊大夫密直提學集賢館提學上護軍娶版圖判書金
安理之女無子先公沒次日景良今為資真憲大夫西北

面都巡問使同中樞院事嘗以密直觀察揚廣有聲
績上重西北鄙欲付治材而難其人朝堂舉公故特
起復有是命次日景恭推忠翊戴開國功臣真憲大
夫吳寧君亦以大司憲觀察全羅是三子皆登科封
母金氏為慶寧宅主歲受賜瘠今以吳寧佐命之功
仍封爵秩祿不替次日景俊嘉善大夫工曹典書
敬歷臺諫按察州郡以材稱諸子克承家訓廉謹守
礼皆有父風女適其官抑厚亦端人也稱其為公家
之男孫男女若干人都巡問使娶帶方君梁天龍之
女無子二室鄭氏生男曰民秀吳寧君娶政堂文學

鄭思道之女生一男曰純左拾遺工曹娶清城君韓
脩之女生一男五女男曰民同倉庫都監判官女適礼
寘寺丞金孟誠次適生真李允商次適奉礼郎金闡
次適郎將李士欽餘幼柳密直生二男長曰沂左正
言次曰漢東部令曾孫男女若干人拾遺娶政堂文
學鄭公權之女生二男二女皆幼長曰崇直次曰崇
善柳正言娶密直李鍾德之女生二男長曰方善次
曰方敬再娶判典校寺事方甸之女生一男曰方謹
東部令娶大司憲朴經之女生一男金寺丞生二女
皆幼既葬之明年夏具寧君以大夫人之命來語於近

曰吾先公德行播在人耳目不可諛也惟圖不朽將
銘石是托子久與吾兒輩遊孝同業仕同時又嘗知
吾先公事况今在藝文春秋館以任編摩之職撰銘
公墓將子無讓近不敢以鄙拙辭銘曰

嶧嶂高山	于其是環	淑氣攸鍾	迺降厥神
迺生碩人	温々其恭	位冠蟬聯	壽享稀年
善始令終	有子有孫	簪履盈門	教誨之功
瑞國之原	夏屋之墳	惟公玄宮	伐石作碑
爰刻我辭	永示無窮		

追贈正智國師碑銘 并序

洪武二十八年乙亥秋七月初七日高僧泉公示寂于天磨山之寂滅庵茶毗既有日夢于其徒海崑曰爾何棄設利不收崑即驚起告其徒奔往茶毗之所得舍利無筭光甚明瑩山中諸衲競集來禮頂戴感慕嘆未曾有上聞而異之追謚正智國師門人覺眼等就彌智山龍門寺置浮菴安骨又欲立碑紀德戊寅之夏來京以聞上命戶近文之近退而詢諸覺眼師諱智泉俗姓金氏載寧人考諱延司宰副令妣尹氏義城府士族以元泰定甲子生年十九祝髮于長壽山懸庵寺初不孝文字直叅禪旨後孝悌口不甚

曉又學南明久若有得於是更考楞嚴大義了然質諸講師往往有學解所未到處講師乃服至正癸巳與今王師無學俱入燕京謁指空于法泉寺時懶翁先入燕受指空印可道譽既著二師皆投師之同遊叅訪所造益高又往五臺山謁碧峯和尚有名士趙氏仲穆爲書竺源古篆二大字以贈師之號也丙申還國入香山歷五臺小白智異彌智等諸山所至必獨屏一室不隨衆會常寡言笑謹重而已或有咨其道要者隨問而應言希以究不問則不言衆頗以老故敬之而已未嘗知有異德也懶翁無學相繼有重

聲爲王者師大振宗風四衆奔波靡然趨嚮而公獨
韜光晦迹潛隱雲山未嘗一領衆會一主講席專修
內朗至老無倦示寂之夕與侍者訣趺坐而逝及顯
舍利之異然後衆服其德以爲眞得道者也春秋七
十二臘五十四子嘗聞浮屠氏旣覺來者聖解俱泯
混迹塵凡異類中行師眞其人歟覺眼事師三十年今
觀其爲人質慤無文其言甚訥是亦其師之徒歟浮
屠有碑自唐已然然其師必大顯於世其徒亦大盛
於時者之所爲也師而不耀徒亦單寡尙欲光昭其
師之德拳拳致力而不辭如覺眼者古蓋未有焉是

可嘉也矧承上命敢不敬銘銘曰

卓彼泉公

默契其妙

迹泯外彰

智融內照

始訪于遠

終晦于隱

匪覺其覺

無聞之聞

烏絕含花

人孰知德

惟舍利存

厥靈以赫

伐石以藏

于山之陽

密護邦國

永鎮無疆

有明朝鮮國追贈推忠直節守文秉義輔祚功
臣特進輔國崇祿大夫門下右政丞判部評議
使司事兵曹事修文殿大學士領藝文春秋館
事西原伯謚文簡公行光祿大夫刑部尚書集
賢殿學士李公神道碑銘并序

永樂元年秋八月領司平府事西原府院君李公以先君墓碑屬予而言曰吾先君子種德不食以遺我後人乃父子荷寵榮位崇祿厚追爵先世焚黃展祀用昭恩數而其墓道尚未有碑無以示後且吾不幸幼孤三兄亦皆先逝惟先人德行莫得而詳埋晦不傳是悞爾子其為考世系歷官而為之銘予不獲辭謹按李氏清州之籍為國望族最显且久高麗太祖之肇興也有諱能希克左右有功封為國公圖形壁上至六世孫諱公升操行修潔相仁王毅王嘗奉使于金不受一錢清德益彰毅王於秋夕翫月天朗無

雲嘆賞其文之乃口今宵明月猶公升宵中無一點塵埃卒謚文貞上下數百年間子孫濟美世德相承遠文簡公益自飭理以貽後慶司平公與其子上黨君協心戮力相我朝鮮再有定社佐命之功同嘽勳並並崇台罪上黨與弟清平君皆尚公主積善之慶益大以昌吁其盛哉文簡公諱挺古名春吉恭定乙丑公年二十九始以門陰拜八閔實判官明年冬中丙科第二人及弟錄奉車直長歷移典法佐郎致和元年以版圖正郎出知草溪郡事有惠政後拜監察堂令典法愬郎察訪處高道閑居十載優游自逸至正

吳已復拜中正成均祭酒加奉順判典校寺事進賢
館提李甲午正順判通禮門事乙未判尉衛寺事實
文閣提李階加奉翊儀廷右常侍丁酉改授祭祿大
夫右散騎常侍集賢殿學士戊戌光祿大夫刑部尚
書館職如古此其歷仕也公嘗以清儉自律循蹈禮
則不隨俗俯仰世俗服其正直退居鎮州之常山不
吏官達恭愍王在潛邸文間其賢及即位召至于京
嘉其清慎提調內佛堂事親書文貞公操履大節及
毅王崩月嘆賞之語經以公志慕祖先亦薄世味之
事累百餘言以賜之方將大用趣故曰隱辛丑六月

十九日以疾卒春秋六十三葬于常山之南麓父諱
季瑛重大匡琅城君謚正憲祖諱昌祐版圖總帥贈
密直司使曾祖諱挺殿中監贈知門下省事即文貞
公子恭知政事諱椿老之子也外祖諱文俱公金賚某
州人夫人瀛州金氏某官繼貂之女享年七十後公
十五年以洪武乙卯四月二十一日卒葬于公塋之
傍又其後二十餘年以司平之切贈公門下右政丞
西原伯封夫人卞韓國推恩典也有男四人女二人
男長曰由信登三午科以刑部郎中出按慶高道先
公歿次日居仁檢校左政丞卒謚恭節次日居義丁

曹日典書曰早殿次曰居易門下左政丞今為領司平府
事西原府院君女長適檢校門下侍中李崇次適恭
安府尹閔慶生孫男女若干人郎中卿尚書洪承祚
之女生男長曰德閔護軍次曰富閔殿中卿女長適政
堂文李兼司憲府大司憲李至次適大護軍金紹恭
節奴都僉叡政丞由益清之女生男二人皆幼後娶
漢山君李光雨之女生男曰玄道司水監丞女長適
判事朴尊誼次適軍資注夫梁仲寬次適工曹叡郎
盧敬次適都染署丞沈聰工曹娶護軍金仁暉之女
生男曰崑崙司憲監察領司平娶刑部尚書日崔壘之

女生男曰衍叡政府贊成事上黨君尚太王女慶
順宮主次曰伯寬上護軍次曰伯信大護軍次曰伯
剛清平君尚今工女真慎宮主次曰保幼女長適典
農正辛中善次適宗簿副令慶智外孫男女若干人
李侍中生男曰岷光州牧使次曰嶸司宰火監次曰
峙延安府使女長適判典農寺事崔安濬次適判漢
城府事崔有慶次適平壤府院君趙浚次適奉禮郎
金祉閔恭安生男曰濼直藝文館女長適知谷州事
洪濟次適平原君趙瑒曾孫男女若干人平寧君大
臨尚今上女慶真宮主政丞趙浚之子也餘皆幼自古

勳閥之家不數世後便為寒門蓋由祖先積累雖勤
為子孫者率多驕侈持守未謹故耳今公先世德厚
流光發達既盛司平父子咸能敬慎益勗志節不接
不矜樂善無倦是其持守愈謹克振前光流慶後裔
蓋未艾也是宜為銘銘曰

臘々西原 孰濬其源 國公肇緒 克固其根
其根既固 枝葉是繁 烈々文真 操復之清
育中無累 秋月之明 顯允刑部 維德之行
身以礼持 不與俗隨 清矣弥篤 夏積頌基
宜俾宜相 訖莫以施 遺慶千後 以垂其裕

迺啓司平 既峻且武 忠在社稷 功藏盟府
父子再嘒 同獎王業 兄弟並美 王姬是室
赫赫寵光 雖古罕匹 咸能守法 愈謹秉節
福未有艾 增光前烈 繩々未裔 引之無替
刻碑千碑 昭示永世

陽村先生文集卷之三十八

陽村先生文集卷之三十九

碑銘類

故高麗國門下侍中柳公神道碑銘并序

高麗恭愍王有輔相大臣曰高吳柳公早以門蔭仕
皇元宿衛精悍已有聲既還拜監門衛大護軍時年
二十七是至元三年丁丑四月也不數年三轉進封
高興君出鎮合浦又鎮楊廣全羅歷相忠定忠穆二
王及恭愍即祚尤重委寄至正甲午帝遣丞相脫
南征高郵徵兵于我公以亞相將兵而赴功垂成丞
相過說師罷而還乙未二月拜左政丞判軍濟六月

封高與府院君丙申復為門下侍郎平章高判戶部
辛丑冬紅賊陷三京乘輿播越臣民渙散公不離側
扈衛而行駐驛安東為都巡問慶尚徵兵遣討克復
回京策勲第一壬寅正月拜守門下侍中兼外春拜
都僉政政丞判典理加推忠秉義同德輔理翊祐功
臣之稱其冬叛臣崔濡諛構恭愍帝惑其言立廢孽
德與君為國王且遣衛兵以來公諭百官遣將拒戰
德與大敗而遁帝械送濡來誅之乙巳有詔使來舉
止甚峻宰相見者不肯與坐及見王亦頗傲公至上
堂詔使禮接甚恭簽書李穡謂同列曰侍中公動容

中禮發言當理其見重於華人宜矣戊申夏旱時
構魯國公主影殿大與功役數年未就公與諸相上
書請停工怒下公幽將殺之命右使李穡製諭教文
穡對以濯無死罪不敢措辭王又大怒并幽之右使
泣曰日泣非畏死恐三以無罪殺大臣貽譏後世耳
三聞皆殺之辛亥秋誅辛旽竟以前憾還公七月十
八日縊于青郊年六十一國人有泣涕者噫命矣夫
越二十七年丁丑冬我太上王夢公祈爵子溫三覺
異之贈公特進輔國崇祿大夫高與伯謚忠靖超拜
濕為某官累加顯擢公之餘慶始發於此孰謂為善

無徵哉公姿精敏而量弘生長紈綺志操廉潔風儀
整肅接人以和膽略過人武才出衆世受宣命出鎮
三道所至有威惠軍士畏慕其鎮全羅也倭寇侵万
德社殺掠而去公以輕騎追及捕獲悉還其俘終公
之鎮寇不復犯自製長生浦等曲至今傳于樂部及
居廟堂享々經國動守成憲不事紛更政簡而理人
談近世輔相之賢者必先稱公去公諱濯字春卿自
號誠齋高具人曾祖諱升茂贈知樞密院事祖諱清
臣古諱庇都僉政丞高具府院君歷相忠烈忠宣
忠肅有社稷勲父諱有奇宣授民德將軍全羅道鎮

邊万户達魯花赤判密直司事母密陽朴氏判典客
寺事惟正之女公之仕元也娶大卿承兒赤之女生
男曰雲檢校叅贊政政府事其还也又娶陸昌柳氏
封真惠宅主贈門下評理諱棋之女非同姓也生二
男曰湿全羅道兵馬都節制使曰澹郎將今亡一女
適坡平君尹坤孫三人郎將生男曰某幼學坡平男
長曰希夷供正庫使次日希齊提州監務公没之時
湿方五歲家遭奇禍不克備葬權厝于海豐之白馬
山後三十五年乙酉十一月十日真惠宅主享年六
十九乃逝明年丙戌三月日以礼合葬于德水之櫟

山又明年秋濕來語余曰先公德烈在人耳目且在國史足以信後惟濕幼不逮事而罹凶禍終天之慟曷嘗有極墓道未碑罔昭厥美益悞子或有虧敢托子筆子從縉紳素聞公賢獲與參贊同米樞府且今節制請辭哀切予何忍辭乃受而銘之銘曰
粵自古昔 惟良將相 忠忌勲疑 鮮克終享
蕭繁韓奕 慟弥穹壤 是命使然 于德何喪
堂下柳公 夕握台衡 夷險不貳 大難載平
攷々經國 輔我王明 縷綫非罪 圭組何榮
煥旱恤民 惟相之仁 請寢工作 書上中宸

斯怒且憾 竟殞厥身 有涕以泣 悲纏國人
暫屈一時 終伸百世 昭雪冤愆 史策晰々
夢赫敬靈 餘慶始啓 碑鐫墓隧 來者是諦

墓誌類

建元陵誌石文

永樂六年五月二十四日壬申我太祖至仁啓運聖文神武文三奄棄群臣我殿下哀慕罔極諒闇尽禮謹率群臣奉上尊號以是年九月初九日甲寅安厝于城東楊州治之儉當村建元陵禮也謹按璿源所自繇新羅氏以來世有達官累仁積德以裕後慶逮

皇高祖穆三始仕元朝為千夫長四世龍衣爵士卒樂
附我太祖必繼器局勇略絕倫豁達有濟世之量至
仁好生出於天性早事高麗恭愍三累官至將相出
入中外屢立大功以安國民行師整肅秋毫無犯大
小百餘戰辛丑之殲紅賊收復王城壬寅之走納氏
庚申之捷雲峯尤所稱道者也恭愍無嗣暴薨其臣
林堅味等專擅國政糞壤土田貪污無度侍中崔瑩
憤行誅戮以我太祖為守侍中從人望也瑩又不學
妄興師旅謀欲攻遼以我太祖為右軍都統使逼遣
境上我太祖與諸將說曰以小事大古今之通義與

其得罪上國貽禍生民豈若除去權臣以安一國乎
與諸將仗義回軍執退瑩以正其罪選立王氏宗
親恭讓君於忠匡輔任用賢才革私田以正經界次
冗官以重名器立經陳紀規謀宏大前朝弊政靡不
尺革中外民心欽然敬附而恭讓昏迷多忌將謀不利
洪武二十五年壬申秋七月忠臣義士合辭推戴我
太祖讓至再三迫於群情勉登寶位遣密直臣
趙胖聞達朝廷欽蒙高皇帝聖旨許真國禱以復朝
鮮之祿戊寅秋九月不豫內禪于上王庚辰冬十月
上王亦不豫又禪于我殿下進尊號我太祖為啓運

神武大上王春秋七十四歲在王位七年老不聽政
以享榮養十有一年終始哀榮斯其備矣首妃韓氏
贈領門下府事諱卿之女先夢追謚承仁順聖神懿
王后誕六男二女男長曰芳兩封鎮安君先卒次
二王我殿下為第五曰芳毅為第三封益安大君亦
先卒曰芳幹為第四封恢安大君曰芳行為第六登
科不祿女長曰慶慎宮主適上堂君李行非一李也
次日慶善宮主適青源君沈綜上王無嫡嗣我中宮
靜妃閔氏驪吳府院君諱霽之女誕四男四女男長
世子禮次祐孝 寧君次今上諱忠寧君次幼女長真慎

宮主適清平君李伯剛亦非一李次慶真宮主適平
壤君趙大臨次慶安宮主適吉川君權躔次幼

有明朝鮮國中直大夫校書監知製教充藝文

春秋館編修官閔公墓誌銘并序

公諱安仁字子復呂吳人曾祖宣授朝列大夫翰林
直學士壁上三韓三重大匡判都僉諷使司事右文
館大提學監春秋館事上護軍驥吳府院君贈謚文
仁公諱漬祖重大匡僉諷成事藝文館大提學知
春秋館事判版旨司事上護軍諱祥正考追贈門下
贊其成事奉詔大夫版旨判書諱璿妣完山郡大夫在

氏匡靖大夫余訖評理良敬公文度之女公喪母祇
順四訓欽志于孝既冠魁司馬試孝口進洪武甲寅
登第選補春秋檢閱遭文喪廬墳三年終制拜通禮
門祗候累遷禮儀典法二怒即以直忤權貴罷免開
居凡四年復拜軍簿起即尋加三司左右尹皆帶館
職掌制誥又任文書應奉司積十四年之久人以勤
稱及我國初從宰相禹仁烈朝京師既還受成均祭
酒以教國子弟人以為稱職遷校書監未幾出為平
壤教授修葺文廟備儀教奠四條約以教諸生化之
立家廟宇墳墓者數人崇乙亥新都廟成上欲親標

以公明習典故命修樂器曰者新之缺者補之皆中
制度大札以成公性質直且息敦厚勤儉嗜享好古
多畜群書晨夕披閱篤信斯道不惑異端將伊洛九
先生圖掛屏斤壁晨夕焚香致敬教誨童蒙孜孜無
倦不喜干謁不理家產率所言動必慕古昔不肯苟
同於時頗有負俗之謗不小愛也常註訓蒙若干篇
又撰續東人文良集諸家逸藁多至百餘拱手自抄
錄積歲不怠若嗜欲然未及脫藁以戊寅閏五月初
九日甲申病歿于新都之第年五十六卜得某月某
日葬于德水縣玉金山先塋之側公之志也公娶丘

部侍郎李道孫之女生二男一女長曰進登第為司
憲監察次日道進士女適禮曹愨即崔閔既葬監察
以公行狀來請銘予於公親且曰其敢以不文辭
曰
能研諸心 而有所得 公之學也 務合乎古
而有所履 公之志也 推其志足以裕於國
行其志足以措諸事 規矩之設而繩墨不舉
布帛之素而絺繡不施 位不滿德 而止於斯
天耶命耶 其孰尸之 納石於壙 而刻以銘
千載之下 知有先生

真慎宅主樵氏墓誌銘并序

夫人姓樵氏有元宣授翰林應奉文字高麗國門下
侍中韓山牧隱李公諱穡之妻宣授明威將軍諸軍
萬戶府萬戶知密直司事花原君諱神達之女宣授
朝列大夫太子左贊善雅誠同德協贊功臣都僉議
右政丞禮川府院君諱文坦之諱漢功之孫僉議評
理致仕諱頊之曾孫花原娶奉翊大夫檢校選部典
書行上護軍尹吉孫之女以至順辛未冬十月生夫
人生而聰慧婉婉父母所鍾愛將笄擇所宜取以至
正辛巳適牧隱李公即椽亭文孝公之一子時文

孝公以文章位宰相而公少精敏好學已有成名聲籍甚一時逸佳婿者爭欲納公至婚夕猶爭之竟為花原得夫人在室為孝女既嫁為令婦兩家無間言公勤奉問不以家累營心夫人亦勉之未嘗煩以事故公學大進入皇元擢甲科華聞播天下欽而東啟為一國儒宗是雖出於公性亦夫人之助為多焉恭愍王大敬重公久居相位屢典真舉晚年又以德望宅冢宰夫人共享其榮恩封宅主而清儉自守如寒士家奉祀以誠主饋以勤待族姻厚而均教子孫慈而法動循禮則閨門肅然及公遺疾纏綿之際遭謗

沉離之日夫人亦極憂悴營救卒免於患洪武壬申偕公取于韓山之墅甲戌八月初一日以病卒年六十四訃聞上愴悼賜賻以十月日葬于韓山加智之原先塋之次夫人生三男長曰種德知齊直司事次曰種學養書密直司事皆先歿季曰種善典校令孫男女十五人詳列于牧隱公墓碑茲不悉錄葬夫人三年丙子夏牧隱公亦逝既祔其孫考功佐即孟昶來京師請銘于近子惟吾宗大師公佐高麗太祖受姓移封以來世濟其美及吾文正公與文坦公並德齊時俱位冢相兩家子孫景蕃以大予於夫人族屬雖

遠宗人也又於公門人也銘其啟辭銘曰
維昔大師 新羅之金 扶翊嚴祖 王懋其忱
移封于福 賜姓曰權 綿之遺澤 迄今以延
維文坦公 興我文正 名德並峙 繼秉國政
兩家之胤 武昌以蕃 夫人之出 是曰花原
積德于門 迺生淑質 迺配君子 宜家宜室
勉其君子 學以大成 爰宅相位 播厥令聲
恩礼必渥 福祿攸同 閨門清穆 陰德是崇
有子有孫 亦路聯仕 有憾于天 而再哭子
春秋六旬 奄歿玄宅 銘石有辭 永亦婦則

有明朝鮮國贈謚恭穆姜公墓誌銘并序

建文三年冬晉陽姜公准伯以其先子恭穆公行歷
來徵予墓碑之文曰吾先君僕已以勤守官以慎名
實茂著而可傳者苟不於金石焉饒之是吾為不子
矣因投杖稽顙而泣請予以附葭知公父子之義不
辭謹按公諱著字某晉陽之望族也五世祖國子博
士諱啓庸其子殿中內給事諱引文皆以儒显初博
士為日本通信使書狀管給事從行及至元京仁之
役以給事曾知道里又舉為書狀風濤險艱且因兵
交頽於死者屢矣及還不復任每戒子孫曰吾非立

士不至歷險如此爾輩母復業儒也故其子監察御史諱師瞻孫版圖正即諱昌其皆仕于吏御史即公之曾祖也正高後贈門下侍中晉原府院君即公之祖也鳳山君謚文敬諱君實即公之考也文敬性敏好學晉原亦以儒術為先世家業許令登科遂復為儒性至宰輔以異其家吁給事之戒子孫特懲於一時之困爾東征之士葬魚腹而不返者何限是豈儒哉晉原之教其子文敬之異其家天昭啓之以雪其恨而昌其慶也文敬娶雜林金氏改客令呂玘之女以後至元己卯冬十有二月二十二日生公至正

丙辰公年八歲以門蔭補延陵直十九中丁酉成均試壬寅拜大官署丞再遷即得魚監察糾正海歷典工役郎廣具倉使治繁處劇所至稱職為閤門引進副使禮密中度加朝列大夫出知陝州政績以著典法版耑典理皆為慈郎中显尹衛尉中正三司左尹奉順判軍器出按江陵道是洪武戊午秋冬也明年己未通憲判繕工俄加奉翊又明年出為安東大都護府使文敬考終丁憂甫及期起復左常侍壬戌轉版耑判書未幾入密直為副使俄賜端誠輔理功臣之號冬遷匡靖大夫判厚德府事兼判典醫寺事上

護軍美亥春拜門下評理商訖冬封晉山君階重
大匡庚午夏匡請大夫判慈惠府事上護軍同判部
評訖使司事冬加授推忠補祿功臣大匡商訖門下
贊成事同判都評訖使司事兼判繕工寺事左右衛
上護軍此公歷官也大夫人尚無恙公兄弟及公之
子相繼入相府赫子耀一世姜氏既大振英歲壬申
公五十四大夫入乃薨小廬墳三年人嘉其孝建
文二年庚辰十一月二十六日以病卒于第享年六
十二訃聞命有司庀喪事贈謚恭穆明年二月甲寅
以禮葬于臨江縣之東原公天性謹恪風采嚴重發

言慶事務循禮則事親以孝繩家以儉歷任中外守
法不阿人多嚴憚之夫人河氏重大匡晉山君謚元
正公諱楫之女坐男五人長曰淮伯丙辰科進士第
歷仕臺諫以判密直觀察交州江陵道陞政堂文亨
及還魚大司憲以言事罷己卯冬起為正憲出尹雜林
庚辰秋東北面都巡問使曰淮中壬戌科進士第嘉
善洪州牧使曰淮順司宰少監曰淮叔諸衛將軍曰淮
季己巳科進士第重大匡晉原君先公殁孫男女若
干入政堂再娶鄭氏重大匡蓬原君諱良生之女先
亡生男曰宗德司憲監祭曰文德監門衛散員曰進

德女二人長適權務金張次幼繼室李氏重大匡三
壤府尹諱存性之女生男二人皆幼救使娶南氏判
事徵之女生男曰安壽濟用庫注簿少監娶內侍全
理之女生女幼將軍再娶安氏贊成事諱沼之女生
男女二人洪氏無嗣曾孫若干人監祭娶典書李廷
堅之女生男二人皆幼銘曰

維彼晉陽 有姓曰姜 世有儒顯 王庭以揚
烈々博士 海國是使 其從以行 西有孝子
孝子繼征 風濤與兵 既危既險 瀕死而生
戒子若孫 毋濡甬門 吾非以儒 豈慄吾魂

子孫承訓 由吏而進 三世復始 其家克振
顯允文敬 積善之慶 公相承々 門閥之盛
偉矣恭穆 威儀抑々 率履不回 邦之司直
有嗣其賢 欲傳可傳 謁文大史 于墓是鐫
我碑非諛 可以亦後 彌千百年 永昭不朽

陽村先生文集卷之三十九

陽村先生文集卷之四十
墓誌

有明朝鮮國贈辰韓國夫人鄭氏墓誌銘 并序

夫人鄭氏晉州人父高麗輸誠協謀贊理功臣重大
匡都僉議贊成事藝文館大提學知春秋館事上護
軍謚文良公諱山輔祖三司副使諱楊曾祖內府令
諱守珪外祖順興府院君監春秋館事安公諱文凱
今正憲大夫檢校參贊議政府事朴公可興之妻知
申事錫命之母也文良公德行文章重一時夫人生
而聰慧長於典訓率所言動必循禮別及筭擇配以

歸朴氏治家勤儉主饋唯謹事舅姑以孝事夫以義
隨事幾諫所親有貪之者必賑恤之每費中罹厄
再被誣繫夫人盡悴營救積憂成疾以洪武乙亥六
月十五日卒享年五十葬于陽陵西麓越七年辛巳
以知中事佐命切祿齋費終其身贈夫人蒲辰韓有
一男六女男即知中事雖嘗以一子甚愛之教習甚
勤每致維掖十數軍於家塾令與讀書夫人為設饌
具餉之不怠故能學問有成未冠登進士第荐歷華
要掌辛巳成均試佐我殿下同建勳盟久典樞機啓
沃弘多中外親賢期望大用父母教誨之力然也女

長適某官某先歿次適某官某次適某官某次適某
官某次適某官某次適某官某次適某官某孫男若
干知中事娶某官某之女生二男長曰去非某官次
幼刑曹生二男曰松壽曰松夢永樂二年甲申夏知
中事請墓銘于世交也且忝同盟義不辭銘曰

昔有先正文良公

至今維掖歆高風

婉婉有文淑且恭

歸于德門修婦功

遐儒家塾置具豐

教子經術令能通

遭時奮庸果顯融

洎七餘慶垂無窮

後世徵我銘函宮

行狀

牧隱先生李文靖公行狀

公諱樞字穎叔號牧隱忠清道韓州人曾祖追封奉
翊大夫版圖判書昌世祖宣贈奉訓大夫秘書監丞
本國追封匡靖大夫都僉議贊成事自成考宣授奉
議大夫征東行中書省左右司郎中本國匡正大夫
都僉議贊成事右文館大提學監春秋館事上護軍
謚文孝公毅中元朝元統天酉制科踰稼亭有文集
二十卷行于世妣宣封遼陽縣君本國咸昌郡夫人
金氏以天曆戊辰五月辛未生公聰慧異常自知讀

書見輒成誦至正辛巳公年甫十四中本國成均試
嶄然已有聲始冠將婚一時高門望族擇東床者皆
欲歸其女至婚又猶爭乃嫁安東樵氏宣授明威折
軍諸軍萬戶府萬戶本國重大匡花原君仲達之女
元朝朝列大夫太子左贊善本國三重大臣都僉議
右政丞漢功之孫也戊子稼亭先生在元朝為中瑞
司典簿公以朝官子補國子監生負在學三年得受
中國淵源之學切磨涵漬益大以進尤邃於性理之
書辛卯正月稼亭還本國卒奔喪終制七月夏五月
恭愍王開科試士公為魁授肅雍府丞秋中征東行

省解元仍充進奉使書狀官赴京甲午二月翰林學士承旨歐陽玄禮部尚書王思誠同掌會試公又得中三月對策殿廷擢中第二甲第二名讀卷官參知政事杜秉彝翰林承旨歐陽玄諸公大加稱賞勅授應奉翰林文字承仕郎同知製誥兼國史院編修官東歸須次恭愍王就加通直郎典理正郎藝文應教知製教兼春秋館編修官未春為王府必閣赤堂言批目儒林策選也陞授奉善大夫試內史舍人知製教兼春秋館編修官夏又充書狀官奉表如京八月禮仕翰林院奉推經歷丙申正月以母老棄官東

歸蓋亦知天下將亂也秋本國官制行政中散大夫吏部侍郎翰林直學士知製誥兼春秋館編修官兼兵部郎中以堂文武之選初公上言時政八事皆蒙施行其一羅改房復吏兵部選也故有是命丁酉試國子祭酒知閣門階中大夫為知印尚書是必閣赤之長也其選尤榮七月遷右諫議大夫階加大中自後凡除授皆帶館職戊戌以言事忤推貴一時諫官皆左遷擬公尚州公理裝待曉將發其夜命下獨公進拜通議大夫樞密院右副丞宣知工部事三謂宰相曰李穡才德出衆非他人之比用舍不知此無以

伏人心由是明居喉舌參掌機密凡七年陳謨答沃
禪益弘多辛丑十一月紅賊陷王京乘輿播越巨僚
倉卒多潰散公從王不離側一心行衛參謀協贊俱
濟多艱弼成克復之功策勲一等賜以鐵卷田一百
結奴婢二十口癸卯宣授奉訓大夫征東行中書省
儒學提舉冬拜本國端誠輔理功臣奉翊大夫審直
提學同知春秋館事上護軍自是與聞國政二十餘
年雖在罷閑每有大政必就問焉乙巳同知貢舉取
尹紹宗等二十八人丁未冬宣授朝列大夫征東行
中書省左右司郎中以本國判開城無成均大司成

初自辛丑經兵之後學校廢弛王欲復興改創成均
于崇文館之舊址以講授真少擇一時經術之士若
永嘉金九容烏川鄭受周潘陽朴尚衷密陽朴宜中
京山李崇仁等皆以他官兼學官以公為之長無大
司成自公始也明年戊申春四方學者全集諸公分
經授業每日講畢相與論難疑義各臻其極公怡然
中履辨析折衷必務合於程朱之旨竟夕忘倦於是
東方性理之學大興學者祛其記誦詞章之習而窮
身心性命之理知宗斯道而不惑於異端欲正其義
而不謀於功利儒風學術煥然一新皆先生教誨之